

Caso di Otmar Oduber lo ta den corte dia di eleccion



Pagina 4

- **Segun prome minister demisionario acusacionnan di metemento politico den OM por desacredita e instituto y destabilisa estado di derecho**

Pagina 3

- **Gobierno no ta di acuerdo cu definicion di refugiado di UNHCR**

Pagina 6

- **Plan di partido Accion21: Eliminacion di impuesto y eficiencia den gobernacion**

Pagina 4

Aruba a conmemora 80 aña desde cu e heroe nacional Boy Ecury a ser fusila



Pagina 2

Corsou:
Parlamentario Martines deteni bao sospecha di trafico di droga



Pagina 8

Colombia: Corte ta habri investigacion riba ex-presidentenan di Senado y Congreso pa corrupcion



Pagina 10

Aruba a conmemora 80 aña desde cu e heroe nacional Boy Ecury a ser fusila

Ayera mainta na Parke Boy Ecury a tuma luga e ceremonia solemne relaciona cu Dia Nacional pa Conmemora tur luchado di resistencia Nacional y den Reino. E aña aki ta 80 aña pasa cu Segundo Jorge Adelberto Ecury, miho conoci como "Boy" a ser fusila y riba e fecha special aki a rindi homenahe na e heroe Arubiano y alaves a desvela complementonan nobo na Parke Boy Ecury cu ta conta mas di e historia di e heroe nacional.



Un mainta cu den presencia di su Excelencia Gobernador di Aruba Alfonso Boekhoudt, presidente di Parlamento di Aruba Raymond Kamperveen, prome minister demisionario Evelyn Wever-Croes, minister demisionario di Finanzas y Cultura Xiomara Maduro, representante di Hulanda na Aruba VNOA Vincent Storimans y invitadonan di departamentonan di gobierno, organisacion- y scolnan a rindi homenahe na e heroe Arubiano.

Boy tabatin apenas 22 aña ora cu riba dia 6 di november 1944 el a ser fusila. Na december di aña 1946 Reina Juliana a manda un carta pa Boy su mayornan pa gradicinan pa Boy su trabou den e resistencia. Despues di guerra a haya e restonan mortal di Boy y dia 15 di april 1947 Boy a haya un entierro oficial na Aruba den presencia di tur su famia y pueblo dui Aruba.

Na november di aña 1949 a rindi homenahe na Boy Ecury cu un monumento di

su busto cual ta situa na Parke Boy Ecury y di e manera aki pueblo di Aruba a duna honor na e heroe Arubiano. Na 1984 famia Ecury a ricibi e verzetsherdenkingskruis.

Durante ceremonia solemne ayera mainta a haci entrega di e verzetsherdenkingskruis na pais Aruba y esaki a ser ricibi pa prome minister demisionario Evelyn Wever-Croes. Na su turno e mandatario a haci entrega di verzetsherdenkingskruis na director di Archivo Nacional Aruba pa



asina esaki por bira parti di e Aruba. exposicion di herencia cultural di Archivo Nacional

Aruba Open Beach Tennis Championship ta priminti di ta mas grandi cu nunca e aña aki



Aruba Open Beach Tennis ta acercando rapidamente y e aña aki ta priminti di ta mas grandi cu nunca. E aña aki e edicion ta mas special ya cu Aruba ta anfitrión pa Pan American Championship 2024 tambe. Organisador di Aruba Open Beach Tennis y Pan American Championship, Sjoerd de Vries, a brinda informacion importante pa comunidad di Aruba.

De Vries a splica cu e Pan American Championship ta un warm up pa e Aruba Open Beach Tennis y tin 17 pais participando e aña aki. Esaki ta di cinco biaha cu e

campeonato aki ta tuma luga na Aruba.

Apertura di e Pan American Beach Championship ta tuma luga awe tardi y mañan mainta ta tur e weganan oficial ta cuminsa na Beach Tennis club na Eagle Beach.

De Vries a duna un actualisacion tocante e neishi di shoco cu t'ey ainda na e center court di e stadion di beach tennis. El a enfatisa cu Aruba Open Beach Tennis ta trahando hunto cu instancianan encarga pa haci tur cos posibel pa e bienestar di e shoco. El a informa cu a traha un neishi di shoco nobo pa e shoco por muda.

De Vries a enfatisa cu e aña aki ta un aña di kibra record pa Aruba Open Beach Tennis ya cu nan ta cerca di 1,500 participante. "Nos ta hopi emocionada pa e aña aki," el a expresa.

E aña aki e torneo tin casi 100 mil dollar na premio, cual ta demostra un aumento substancial compara cu aña pasa cu tabata 60 mil demostra. E aña aki tambe tin mas cancha, 45 cancha, y e stadion tambe ta mas grandi compara cu aña pasa.

De Vries menciona cu e aña Sand Series, "grand slam di beach tennis" tambe ta back na Aruba. El a splica cu tin algun torneo na mundo di Sand Series y Aruba t'ey back riba kalender cu e premio cash mas halto na mundo.

El a enfatisa cu e Aruba Open Beach Tennis no ta solamente pa e deportistanan pero tambe pa e publico ya cu cada tin entretenimento, musica live, DJ live y hopi ambiente pa pueblo di Aruba disfruta. Un cambio grandi cu tin e aña aki ta cu pa prome biaha



ta cera e evento y esaki, De Vries a indica, tin di haber cu seguridad y riba consejo di Cuerpo Policial. Esaki ta nifica cu ta bay cobra un entrada di 20 dollar pa tur ocho dia di evento.

Massimo Morelli di parti di International Tennis Federation y ken lo ta e referee na ambos torneo, a conta cu desde 2012 ta referee di e torneo aki, faltando solamente un edicion. El a enfatisa cu cada aña e torneo ta mas grandi y e aña aki ta e edicion mas grandi di e historia di Beach Tennis Aruba den termino di cantidad di referee

Morelli a conta cu ora e torneo a cuminsa tabata solamente su persona como ref-

eree y awendia ta 22 referee pa e dos torneonan.

El a agrega cu e Sand Series na Aruba e aña aki ta hopi importante pasobra e final di Sand Series e aña aki ta na december y probablemente e ultimo puntonan pa cualifica ta ser dicidi durante e torneo aki.

Pa culmina e conferencia di prensa Sjoerd de Vries a extende su invitacion na henter pueblo di Aruba pa yega y gosa di Pan American Championship como tambe e Aruba Open Beach Tennis. "Bin gosa di e partidonan y entretenimento cuminsando desde 10 di november te 17 di november."

Segun prome minister demisionario acusacionnan di metemento politico den OM por desacredita e instituto y destabilisa estado di derecho

Manera ta conoci diamars ultimo prome minister demisionario Eveleyn Wever-Croes tabata den Parlamento di Aruba diamars ultimo pa duna splicacion tocante acusacionnan cu parlamentarionan di oposicion a haci den su contra tcoante supuesto metemento politico directo di e mandatario den Ministerio Publico (OM).

E encuentro publico (OB), cual inicialmente tabata un reunion publico (OV) a cumisna cu disgusto di parti di parlamentarionan di oposicion especificamente pa motibo cu presidente di parlamento, Raymond Kamperveen, a cambia e tipo di reunion pa motibo di seguridad. Cu e cambio aki oposicion no por a entrega e mocion di desconfiansa cu tabatin plania pa entrega contra e prome minister demisionario pa retirele.

Primeramente prome minister demisionario a enfatisa cu Ministerio Publico ta un instituto totalmente autonomo cu tin su trabou y ta ankraden ley. Pa sali na defensa di Ministerio Publico, segun el a indica, el a pidi colega minister demisionario di Husticia Rocco Tjon pa pa te' y presente den parlamento pa desmenti e acusacionnan, cu e ta sigura ta falso.

El a remarca cu e atakenan en realidad no ta contra di dje, pero en realidad ta atakenan contra Ministerio Publico, cual el a subraya ta lamentabel, y a resalta cu parlamento mester realisa cu no por ataca Ministerio Publico "ki ora cu bo haya smaak." Acusacionnan asina, el a señala ta desacredita Ministerio Publico y por ta peligroso.

Minister demisionario di Husticia Rocco Tjon a expresa cu e haya e desaroyonan relaciona cu Ministerio Publico hopi preocupante. "Atakenan directo contra Ministerio Publico, contra corte, contra landsrecherche y cuerpo policial ta simplemente inaceptabel. E ta destabilisa bo pais y estado di derecho," el a remarca.

Varios parlamentario di oposicion, entre otro parlamentario Gunn y Sievinger a expresa nan disgusto cu e cambio di tipo di reunion y a



indica cu nan no tabata desea un splicacion of splicacion, na cual e mandatario di husticia a bisa cu esey simplemente ta demostra cu nan unico meta ta pa destabilisa e pais. "Esey simplemente ta inaceptabel," el a subraya.

El a indica cu despues di e atakenan contra cadena hudicial el a manda un carta pa Ministerio Publico pa puntranan reaccion riba e situacion y acusacionnan. El a remarca cu na final di dia nan no ta mete den Ministerio Publico, ta aloca extra fondo pa nan cumpli cu nan trabou, pero ta importante pa Ministerio Publico mes reacciona riba e atakenan aki.

Ministerio Publico a contesta e minister den un carta cu fecha 30 di october den cual nan ta destaca cu desde 2006 Ministerio Publico a firma un protocol di informacion den cual ta indica cu Ministerio Publico por comparti informacion cu DRH ora tin casonan andando, y cu a base di e protocol aki informacionnan ta ser comparti y no por medio di instruccion.

Adicionalmente ta indica cu den e ley di 2011 "landsverordening persoonsregistratie Aruba" cual ta combina cu e ley "landsverordening op het Openbare Ministerie" cu ta un ley di 1993. E ley nan aki hunto cu e protocol di 2006 ta e base legal di ta intercambio di informacion entre

departamento di gobierno y Ministerio Publico.

Reaccionando riba e acusacionnan contra OM, minister Tjon a indica cu procurador general a subraya cu e trabou principal di OM ta e aplicacion penal di ley y orden y ta eherce e trabou sin importa ken e persona cu ta involucra den un caso ta. Ta sigui bisa cu Ministerio Publico ta un instituto independiente cu ta eherce independientemente di politica y e unico cos cu ta dirigi nan den nan trabou ta e wetboek di strafordening, e ley vigente.

Despues di acusacionnan directo di parti di parlamentario Sievinger den su contra, prome minister demisionario Wever-Croes a enfatisa cu basa riba esaki ta prueba cu no tin metemento directo of indirecto den Ministerio Publico y e caso cu e parlamentarionan a trece dilanti ta un caso cu a wordo cera caba.

El a agrega cu oposicion a publica documento contra privacidad di un emplado publico y ta un violacion directo den privacidad di hende cual el a enfatisa ta un acto hopi condenabel.

Parlamentario Marisol Tromp, un di e parlamentarionan cu a haci peticion oficial pa e reunion publico, a pone enfasis riba topico di reunion. El a splica cu direccion di e reunion tabata trata

supuesto metemento directo di prome minister demisionario den Ministerio Publico como organo autonomo cual ta liña recta contra sistema di trias politico

Pero el a subraya cu e motibo basico cu a haci e peticion pa reunion publico en realidad ta relaciona cu metemento politico directo door di prome minister demisionario den organonan autonomo enfatisando cu esaki kiermen cu no ta limita na Ministerio Publico.

Parlamentario Tromp a trece dilanti e rapport di Algemene Rekenkamer Aruba (ARA) "Op afstand maar toch dichtbij" cu ta un investigacion profundo riba instancianan di pais y el a señala cu OM por ta un di nan.

El a resalta cu e rapport ta grave pa loke ta trata e tema di metemento politico. El a menciona cu e mensahe di e rapport di ARA ta indica interferencia politico y mantenimiento di construcionnan vago ta visibel den henter e liña di e institutonan aki. El a sigui indica cu e rapport ta menciona cu e situacion actual den cual varios di e instancianan aki tin deficiencia grave den nan funcionamiento ta traduci su mes den finanzas publico cu no ta manehable.

E ta bisa tambe cu fondonan publico ta ser gasta na un

manera ineficiente, ineficaz y hasta ilegitimo. El a señala cu ARA ta bisa cu e problema no ta cu no tin regla, pero e problema ta cu tin regla, pero ta kibra nan y pais Aruba no ta actua.

Parlamentario Tromp a puntra prome minister demisionario kico el a haci te cu aworaki cu e rapport di ARA, kico a haci cu e sugerencianan duna pa ARA y kico a pasa cu good corporate governance?

Prome minister demisionario a contesta e parlamentario cu e rapport a ser trata door di tur e ministernan y cada minister encarga cu e entidadnan menciona den e rapport ta trahando nan plan di enfoke pa cera e buraconan cu por tin ainda den eheccion di e good corporate goernance pa e companian estatal.

El a enfatisa cu tur rapprot di ARA desde cu e ta den gobierno a haya seguimiento y nan ta tuma e recomendacionnan na serio, ta traha plan di enfoke pa evita cualkier cos cu por bolbe ripiti.

A pesar cu prome minister demisionario a duna un splicacion na Parlamento di Aruba tocante e acusacionnan di supuesto metemento politico directo den Ministerio Publico y cu a cambia e Ovpa un OB, segun presidente di parlamento a splica ainda tin posibilidad pa yama un OV pa bolbe cuestiona e minister.

Accion21 ta presenta su plan di partido

Eliminacion di impuesto y eficiencia den gobernacion

Recientemente, Accion21 a presenta nan plan di partido, enfoca riba seis area: Parlamento di Aruba, Ministerio di Asuntonan General, Ministerio di Finanzas, Ministerio di Husticia, Ministerio di Bienestar Humano, y Ministerio di Economia, Infraestructura y Medio Ambiente.

“Nos iniciativa di ley pa reforma nos sistema electoral ta incorpora puntonan di nos plan di partido 2021- 2025 incluyendo duna Arubano den exterior derecho di voto, reforma voto preferencial pa esnan cu mas voto riba un lista drenta parlamento, reforma nos sistema di reparti restzetsels pa uno cu ta miho reflexiona con pueblo a vota, introduci limite di termino pa parlamentario y minister y finalmente introduci eleccion primaria pa sigura cu mas voto ta representa den parlamento,” e partido a indica. “Nos iniciativa di ley pa expande ouderschapsverlof ta duna mayornan mas tempo cu nan recien naci y introduci un verlof pa tata, treciendo nos leyman den concordancia cu beneficioman ofreci na Hulanda y BES. Nos iniciativa di ley pa introduci matrimonio di mesun sexo tambe tabata den nos plan di partido 2021-2025 y niun partido a lucha mas fuerte y lo sigui lucha pa derecho igual pa tur ciudadano. Nos a introduci un mocion pa regularisa e

poblacion indocumenta cu permisonan temporal bao cierto condicionnan. ACCION21 a demostra di tuma paso y posicionnan decisivo y cu boso sosten esey lo sigui durante e proximo periodo di gobernacion. Plan di Partido 2025- 2029 ta representa nos vision pa Aruba, actualmente un pais cu un economia di mas cu 7 biyon pero caminda 27% di hogarnan ta biba cu gasto mas halto cu entrada. Elimina pobresa, atende cu e crisis ecologico, revitalisa San Nicolas y reforma fiscal comprensivo ta cuatro puntonan cardinal pa e proximo periodo di gobernacion. Introduci mas eficiencia den gobernacion, repriorisa gastonan na favor di enseñansa (100 miyon adicional) y salubridad (112 miyon adicional), mientras nos ta elimina inkomstenbelasting y hisa pensioen di nos grandinan y sigura nan cuida ta algun di e cambionan cu nos lo introduci durante e proximo cuatro añanan. Nos mester enfoca riba crea un pais cu ta dushi biba aden y cu hende kier bin bishita luga di un pais cu ta dushi bishita pero dificil biba aden. ACCION21 a demostra nos efectividad den parlamento y nos ta spera di crece riba e merito di nos trabonan haci, pa logra un pais caminda tur ciudadano por BIBA MIHO.”

Parlamento di Aruba
Independisa parlamento di ministerio di asunto general



y transforma e instituto mas halto di nos orden constitucional den un berdadero representacion di pueblo su bolutad democratico. Durante e ultimo 38 aña cu Aruba ta existi como un pais constituyente di Reino Hulandes, parlamento a funciona como un simpel formalidad constitucional. Democracia no por funciona debidamente sin un organo legislativo capaz y ekipa pa eherce su tareanan di representa e electorado, aproba ley y supervisa gobernacion.

Modernisacion gubernamental

Costo di bida y nivelnan di pobresa inaceptabel ta e dos retonan mas grandi di e proximo gobierno. Gobiernonan di pasado a purba resolve e dos temanan aki door di haci aparato publico mas grandi y mas costoso, luga di yuda, nan ta haciendo e peor. Gastonan di gobierno na 2023 tabata 1.508 biyon florin, na 2025 gobierno tin planea di

gasta 1.726 biyon florin, lubidando cu ta pueblo tin cu paga e aumento constante den gastonan di gobierno.

Ministerio di Finanzas

Rediseña nos sistema di impuesto Costo di bida ta keda e reto mas grandi enfrentando e proximo gobierno. Nos sistema di impuesto acumulativo ta hisa costo innecesariamente. Mirando cu nos ta importa practicamente casi tur loke ta wordo consumi localmente, nos residentenan ta paga gastonan exageradamente halto.

Ministerio di Asuntonan General

Modernisacion gubernamental pa haci sector publico mas eficiente y menos costoso y repriorisa gastonan.

Ministerio di Finanzas

Rediseña nos sistema di impuesto, elimina inkomstenbelasting, BBO/BAZV/BAVP/ Invoerrechten, etc. y transiciona pa impuesto indirecto

no acumulativo.

Ministerio di Husticia

Profesionalisa corte, fortifica polis y brandweer, aplica nos leyman di admision, regula- risa personanan indocumenta y aumenta capacidad di legislacion.

Ministerio di Bienestar Humano

Uni enseñansa, salubridad, asunto social, labor, cultura y deporte den un solo ministerio pa desaroya un maneho integral pa nos recurso di mas importante, nos capital humano.

Ministerio di Economia, Infraestructura y Medio Ambiente

Reduci redtape, haci Aruba un duty-free port, diversifica nos economia cu inversion den industrianan sostenible, sigura un infraestructura moderno y limita e cantidad di bishitante pa salvaguardia nos medio ambiente.

Caso di Otmar Oduber lo ta den corte dia di eleccion

Ayera a keda revela e rol pa strafzaken den Corte Comun di Husticia, y un caso a hala hopi atencion. Ta trata di e caso di ex-minister y actual lider di partido PPA, Otmar Oduber, cu a keda posponi y awo lo ser trata riba dia 6 di december, dia di eleccion.

E caso anteriormente tabata programa pa dia 18 di november proximo, y a keda posponi. Ta trata aki di caso Flamingo, den cual Oduber ta e principal sospechoso di irregularidad cu otorgamento di tereno comercial erfpacht tempo cu e tabata minister di Infraestructura, Desaroyo Teritorial y Medio Ambiente, den Gabinete Wever-Croes I representando partido POR. Investigacion di caso Flamin-



go tabata dirigi riba e pregunta si tin un of mas compania cu a obtene indebidamente tereno erfpacht den e periodo

di november 2017 te december 2019. Na 2019, Oduber a anuncia su retiro como politico.

Sin embargo, Oduber a anuncia cu e lo bolbe politica na 2023, eventualmente introduciendo su partido nobo, Plataforma Pais, y a cuminsa actua den nomber di e partido aki.

Na momento cu a yega momento pa partidonan entrega nan lista oficial, Oduber a splica cu pa motibo cu eleccion a keda adelanta cu caida di Gabinete Wever-Croes II, e no a logra keda cla cu su partido, y lo ta tumando over partido PPA como lider pa proximo eleccion.

Reaccion di Oduber

“Relaciona cu e informacion cu a circula awe riba e fecha di e caso den corte contra mi persona, mi ta informa cu mi a wordo cita pa Ministerio Publico pa ta presente duran-

te e caso den corte cu lo inicia dia 18 di november y ta poni pa termina dia 2 di december, cu un uitloop tijd (si ta necesario) te cu 6 di december.

Di e forma aki mi ta ratifica cu mi ta mas cu cla pa declara den e caso manera mi a bin ta cla pa esaki desde mas di dos aña caba. Mi ta e prome interesa den aclaria mas pronto cu ta posibel un proceso inhusto, yena cu mentira, irregularidadnan y tardansanan. Mi ta inocente y esaki ta mi oportunidad pa prob’e na henter pueblo di Aruba. Awe mi ta candidato hustamente pasobra mi ta convenci y sigur di mi inocencia. E berdad ta loke lo permitimi traha incansablemente pa lidera e construccion di un pais sostenibel, moderno y cu oportunidadnan pa tur Arubiano.”

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueroa (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

Sulaika Croes

sulaika.croes@cspnv.com

Mark Gomes

mark.gomes@cspnv.com

Aviso y Arte

Sandra Loefstrop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)

Pablo Libre

Press

Roland Schenker (Hefe)

Omar Ramirez

Martin Boekhoudt

Francis Dirksz

Colaboracion

Associated Press

Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22

Tel: 582-7800

Email: noticia@bondia.com

aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Cuestiona gobierno pa... Asunto relevante: Eagle LNG...

E reunion di Staten pa interpela Promer ministro tocante su comunicacion cu Ministerio Publico a 'flop' promer cu el a cuminza. Presidente di parlamento a dicidi di cambia e formula, di un reunion publico (Openbare Vergadering; OV) pa un encuentro publico (Openbare bijeenkomst; OB) cu e consecuencia cu no tabatin posibilidad di propone mocion, tampoco di desconfianza. Diferente miembro di oposicion no a aprecia esaki, mientras tampoco a bira conoci pakico el a opta pa e formato aki. Ta logico pa pensa cu el a haya un advertencia cu un eventual mocion di desconfianza lo por termina den un tumulto. Pero por ta tambe cu el a realiza su mes cu un eventual mocion di desconfianza lo a conduci na e gesto obligatorio di e promer mandatario di pone su puesto disponible, pero te ey tambe. Manera nos a publica den un Editorial di siman pasa (01 nov 2024), accion parlamentario di retiro di varios ministro sigui, sigur si ta toca tambe e promer ministro, lo no keda sin reaccion di esnan den Reino responsable pa tuma medida pa garantiza continuacion di gobernacion. No ta descarta e posibilidad cu e presidente di Staten a consulta cu mas persona, o a haya conseho sin cu el a pidi, pa pensa dos biaha promer cu e duna e partidonan cu a pidi e reunion un oportunidad pa baha e mandatario. Y asina anto, el a guli e expresionnan di su supuesto aliadonan y e reunion a bira un evento irrelevante, tambe pasobra loke a trece dilanti como indicacion di actuacion inapropia no tabata impresion.

En general, cada politico mester sigui nan preferencia y gusto, pero si ta trata di realmente cuestiona e gobernantenan riba topico importante y relevante, anto lo por a usa e tempo cu e partido grandi di coalicion no tin gara riba presidencia di Staten, pa interpela gobierno por ehemplo riba e plannan pendiente encuan to e suministro di energia y awa den e proximo añanan. A caba di sali den publicidad un carta cu gerencia di Utilities Aruba di e tempo ey a manda pa gobierno unda a desconseha firmamento di e contrato (secreto te awe) cu e compania di gas natural Eagle LNG, en todo caso den e forma presenta. Gobierno no a haci caso y a pasa pa aplica loke nos por yama e 'solucion den famia' pa reemplaza e dos directornan cu tabatin problema cu e contrato. E junior partner a perde e promer bataya ey den seno di coalicion y no a gana ningun otro tampoco despues, manera por a anticipa.

Esey tur ta historia reciente, pero awor actualidad y futuro. Desde e promer contacto na inicio di 2021 a pasa casi 4 año sin cu a mira algo concretiza di e plan pa reemplaza heavy fuel oil (HFO) cu gas natural liquido. E ulti-

mo acontecimiento ta di april 2023, unda gobierno di Aruba a firma un Memorandum of Understanding (MOU) cu empresa portuario Mericano Jaxport y Eagle LNG pa "colaboracion den promove oportunidad economico y turistico, comparti 'best practices' den maneho portuario y sostenibilidad ambiental, y explora e potencial pa desaroyo comercial," segun website di Eagle LNG. Esey ta algo otro cu suministra gas natural...

Henter e asunto aki no ta sorprende nos pasobra nos a publica ampliamente tocante e obstaculonan cu un proyecto di gas lo a topa na nos isla. En corto, Aruba ta demasiado chikito pa haci uso di gas natural liquido y pa 'resolve' e problema ey, a bin riba e tremendo idea cu ta bay bende gas den nos region y cu transporte maritimo cu ta pasa aki banda... Nan no a conta Aruba cu pa loke ta gas natural nos ta e vanguardia den Caribe, sino un berdadero 'Johnny come lately'. E peligro grandi ta, ora bo tin un contrato di horca, unda nos mester cumpra cierto cantidad fiho, usa si of no, ta e consumidor local ta bay paga e chasco ey. Y si na e momento aki tin un posibilidad di descontinua e contrato, pa incumplimento di Eagle LNG, no mester duna e gobierno aki oportunidad pa haci esey, pasobra asina e periodo di 20 año di suministro lo cuminza mas laat ainda, hibando nos cerca di año 2050, unda e proyecto di gas natural ainda ta obstaculo grandi pa yega na cambio pa energia renovable. Si gobierno kier insisti den extende e tempo cu e compania ta haya, e debate den parlamento mester ta si por considera esaki un asunto coriente ('lopende zaak'). Nos pensamiento ta cu no, ya cu practicamente henter e proyecto mester tuma lugar ainda y tin awor un momento di decision cu realmente mester di un aprobacion di Staten. Ademas Staten mester evalua loke a menciona anteriormente, cu e proyecto no ta factible y cu extension di e periodo di espera lo ta nada otro cu extende e tempo cu nos no por haci nada otro, en todo caso no cu e gobierno aki. Esun cu ta haya cu e opinion aki ta exagera, nos lo desea di invita di analiza hunto cu nos kico a logra den e ultimo siete añanan aki riba tereno di suministro di energia sostenible y renovable. Practicamente nada, hasta atras nos a bay cu un parque solar na San Nicolas cu a bay perdi, segun nos informacion. Como medio di comunicacion nos ta sigui politica cu interes y sentido critico, pero nos no tin un papel den e organo unda mester cuestiona y critica gobierno y nos ta keda asombra pa e escogencia di topico di oposicion, cu interes publico na vista...

BCA ta reacciona riba preocupacion encuanto tarifanan di servicionan di pago

Banco Central di Aruba (BCA) a tuma nota di e publicacionnan den medianan di prensa relaciona cu e preocupacion pa e tarifanan cu banconan comercial ta cobra pa usa servicionan di pago cu carhi y kier informa e comunidad lo siguiente.

Actualmente no tin un ley pa regula tarifanan cu e banconan local ta cobra pa uso di servicionan di pago na Aruba. E banconan comercial por stipula e tarifanan aki nan mes. Den cuadro di su ambicion pa modernisa e sistema di pago na Aruba y mehora e experiencia di pago pa e consumidor y negoshi, BCA a tuma e iniciativa pa prepara dos concepto di ley pa asina por regula e sistemanan di pago na Aruba.

Ta trata di e concepto di ley: Landsverordening



toezicht betaaldienstverleners y Landsverordening toezicht aanbieders van betalingsystemen. Actualmente e dos concepto di ley nan aki ta den e proceso legislativo. Cu e concepto di ley nan aki e meta di BCA ta pa establece sistemanan di pago na Aruba cu ta sigur, eficiente, confia-

bel y cu tarifanan rasonabel. Ademá, construyendo riba e éxito di e introduccion di I-Pago (BCA su sistema di pago instantáneo) na 2020, BCA tambe ta explorando solucionnan di pago innovativo pa por ehecuta pagonan di 'person-to-person', 'in-store' y 'e-commerce',



usando e sistema di I-Pago. Cu e solucionnan menciona lo introduci mas servicionan di pago cu lo contribui na un sistema di pago mas moderno pa Aruba, cual lo usa e sistema di pago instantáneo local.

Asina por tin mas control riba e tarifanan di transaccionnan di pago y tambe lo por reduci e dependencia riba rednan di

pago internacional. Relata na esaki, BCA ta colaborando cu e banconan comercial pa sigura un implementacion exitoso di e iniciativa aki.

Cu e iniciativanan menciona BCA kier sigura e comunidad cu ta haciendo esfuerzonan significante pa logra sistemanan di pago mas regula, sigur y moderno.

UNHCR a discuti publicacion riba situacion di refugiado

Gobierno no ta di acuerdo cu definicion di refugiado di UNHCR

Diamars dia 5 november Prome Minister Evelyn Wever-Croes a reuni cu UNHCR cu ta e agencia di Nacionnan Uni pa refugiadonan. Durante e reunion, señor Jose Egas, representante di UNHCR, a presenta su credencial na Prome Minister pa asina e por opera pa e region di Aruba.



Gobierno di Aruba a acredita UNHCR pa ta presente y asisti gobierno den tur reto riba tereno di refugiado. Señor Egas ta staciona na Panama y di eynan ta dirigi e trabao den e region. A trata di un reunion impor-

tante ya cu ta esencial pa keda den dialogo cu UNHCR riba retonan grandi cu Aruba ta confronta riba tereno di migracion. Desde cu Gabinete Wever-Croes I a sinta na aña

2017 tabata existi un crisis migratorio, unda paso a paso Gobierno mes a profesionalisa y introduci un sistema di asilo den cual UNHCR ta yuda Gobierno mehora esaki.

a publica un estudio den cual nan a conclui cu 1 den cada 5 persona cu ta biba na Aruba ta un refugiado. Riba esaki Gobierno di Aruba no ta di acuerdo cu UNHCR. E interpretacion di UNHCR di un refugiado na Aruba ta tur hende cu no a nace na Aruba y a bin biba na Aruba, of esnan cu tin permiso of tin hopi aña ta biba na Aruba, y talbes ya a nacionalisa, pa UNHCR, esey ta e grupo di refugiado na Aruba.

Pa Gobierno di Aruba, e definicion di un refugiado ta diferente. Segun tratadonan internacional cu Aruba ta aplica, un refugiado ta un persona cu ta bandona su pais, huy pa su bida y ta busca proteccion den nos pais. Esnan cu haya e proteccion na

Aruba, pero hasta si papia di esnan cu ta busca proteccion, e cifra actual ta di alrededor di 1000 persona cu tin un peticion pa asilo pendiente, y 1000 persona no ta ni 1 % di e poblacion di Aruba. Nificando cu no ta 1 di cada 5, pero 1 di cada 100 persona por wordo considera un refugiado na Aruba.

“Pa Gobierno di Aruba ta di gran importancia pa señala y aclara e diferencia aki pasobra e publicacion di UNHCR a hala hopi atencion y preocupacion na Aruba y na Hulanda. Pero manera mi a indica, UNHCR tin un definicion di un refugiado cu nos no ta di acuerdo cune. Mi ta reitera cu nos como Gobierno di Aruba ta aplica e tratado di Nacionnan Uni, cu esun cu ta huy pa su bida, y busca proteccion na Aruba, nos ta considera un refugiado. A trata di un reunion intenso pero fructifero. Mi ta contento cu UNHCR y Gobierno di Aruba ta trahando hunto pa adresa tur e reto cu tin riba tereno di e crisis migratorio cu Aruba ta enfrenta. Varios paisnan grandi ta enfrentando retonan similar, pero mi ta hopi orguyoso di mira con Aruba ta atende y cu e tema aki”, Prome Minister a indica.

Un tema importante cu a toca durante e reunion ta e echo cu UNHCR recientemente



Directie Financiën y Centrale Accountantsdienst ta informa cu diabierna 8 november 2024 nos lo ta cera pa publico henter dia pa motibo di un personeelsbijeenkomst.

Nos lo reanuda nos servicionan normal riba dialuna 11 di november 2024.

Masha danki pa e comprension.

Abortus a aumenta cu 10% na Hulanda aña pasa

(NLTimes)—Aña pasa, tabatin 39,332 abortus na Hulanda, un aumento di aproximadamente 3,700 compara cu 2022, segun e Inspectie Gezondheid en Jeugd (IGJ) a reporta ayera basa riba cifranan for di tur hospital- y clinicanan di abortus den e pais. E cantidad di ter-

minacion di embaraso a varia entre 30,000 y 33,000 pa aña desde 2012, pero tin un aumento claro pa dos aña e inspectorado a bisa.

Mayoría hende muhe cu a termina un embaraso aña pasa tabata den e grupo di edad 30 pa 34 aña y 25 pa 29 aña pasa. E categorianan di

edad aki tambe a mira e aumento mas grandi den e cantidad di abortus aña pasa.

E cantidad di abortus adolescente den mucha muhe bao 20 aña a aumenta menos rapido. Aña pasa 2,890 adolescente a haya abortus, 188 mas compara cu 2022. Aña pasa solamente mas cu 100

mucha muhe bao edad di 15 aña a termina un embaraso.

E cantidad di hende muhe stranhero cu a termina un embaraso na Hulanda a keda virtualmente mescos na 3,261. Na 2022, tabatin 3,258. Aña pasa, 87 por ciento di abortus a tuma luga den e prome trimester di embaraso.

“E ley ta stipula cu e data cu IGJ ta ricibi riba e topico aki no ta permiti su mes di establece un conexion entre e cifranan,” e inspectorado a bisa. “P’esey IGJ no por provee un splicacion pa aumento- y reduccionnan den e cifranan riba varios componente.”

Contaminacion record ta enferma miles den e capital cultural di Pakistan

(AP)—Contaminacion record di aire den e capital cultural di Pakistan, Lahore, ta mandando mas hende hospital y clinicanan priva, segun dokternan a bisa diaranson mientras autoridadnan a adverti cu un lockdown completo por ta inminente si residentenan no logra bisti tapa boca y sigui otro guia relaciona cu e niebla toxico.



E advertencia a bin despues cu residentenan riba caya na

Lahore, cual tin un poblacion di 14 miyon, tabata cana mayormente sin tapa boca.

Dokternan ta bisa cu mayoría hende ta kehando di sea tosamento of cu nan wowo

ta pica. “Dies miles di pashent sufriendo for di malesanan respiratorio a ser trata na hospital- y clinicanan e siman aki,” segun Salman Kazmi, vice presidente di e Asociacion Medico Pakistan.

“Bo por mira hende tosa unda cu bo bay, pero apenas nan ta bisti tapa boca,” el a bisa.


Lahore a bira e ciudad mas contamina na mundo ayera mainta, cu e index di calidad di aire yegando cifranan record di mas cu 1,000. Cual-

ier cifra riba 300 ta considera peligroso pa salud.

Un niebla toxico a tapa e ciudad desde luna pasa. Marriyum Aurangzeb, un minister mayor den e provincia Punjab a puntra hende pa bisti tapa boca pa asina preveni un lockdown completo den e ciudad. Lahore ta e capital di e provincia.

E gobierno a bisa cu e ta buscando metodonan pa induci yobida artificial pa combati e contaminacion.

Reino Uni ta identifica cuatro caso di e variante nobo di mpox, e prome grupo pafu di Africa



(AP)—Oficialnan di Salud Britanico ta bisa cu nan a identifica cuatro caso di e version nobo y mas infeccioso di mpox cu e surgi prome na Congo, marcando esaki e prome biaha un variante a causa un grupo di malesa pafu di Africa. Cientificonan ta bisa cu e riesgo pa e publico ta keda abao.

Autoridadnan a anuncia e prome caso di e forma nobo di mpox den Reino Uni siman pasa, bisando cu e caso a ser trata na un hospital na Londres despues di a biaha

recien pa paisnan den Africa unda e brote ta andando.

E siman aki, e U.K. Health Security Agency a bisa cu awor el a identifica tres caso mas cu ta biba den e mesun hogar como e prome pashent. Nan tambe ta hayando tratamiento awor na un hospital na Londres.

“Mpox ta hopi infeccioso den hogarnan cu contacto cercano y pues no ta un sorpresa pa mira mas caso dentro di e mesun hogar,” segun Susan Hopkins, consehero medico principal di e U.K. Health

Security Agency.

Britania a registra mas cu 3,000 caso di un otro tipo di mpox durante un brote na 2022 cu a afecta mas cu 100 pais. E variante nobo di mpox tambe a causa brotenan na Burundi, Kenia, Ruanda y Uganda. Casonan singular den biaheronan tambe a ser reporta na Suecia, India, Alemania y Tailandia.

Te awe, tin aproximadamente 43,000 caso sospechoso di mpox na Africa, incluyendo mas cu 1,000 morto, mayoría di nan na Congo. Diaranson, e Organizacion Mundial

di Salud (OMS) a bisa cu el a aloca 899,900 dosis di vacuna pa nuebe pais Africano

sufriendo di epidemianan di mpox.

 Consejo Electoral Aruba

MAÑAN

8 di November, 2024 pa 10:00AM
ta anuncia e validez di e lista di candidatonan den un sesion publico.

Por mira e sesion publico door di bishita nos website er.aw y click livestream of scan e QR code.



SEA INFORMA,
SCOGY Y VOTA

8 mocion di Reino aproba den parlamento Hulandes pa atende problemanan den Caribe Hulandes

(CuraçaoChronicle) - 8 mocion cu ta atende problemanan clave afectando e Caribe Hulandes a ricibi aprobacion den parlamento Hulandes. Varios di e mocionnan aki a keda aproba cu sosten di e partido en gobernacion NSC, cual a yuda oposicion forma un mayoria mientras cu e partnernan den coalicion PVV, VVD y BBB a vota contra.



E mocionnan aki ta enfoca riba mehora e condicionnan di bida, atende e diferencianan economico y mehora gobernacion den Caribe Hulandes.

Un mocion ta haci yamado pa un plan di accion detaya y un linea di tempo basa riba Thode Commission su recomendacionnan pa atende e costo di bida halto, specialmente pa viviendanan cu tin ingreso abao, mirando cu varios residente den Caribe Hulandes ta lucha cu ingreso abao y gastonan halto. E gobierno a ser pidi pa provee e e contesta aki conhuntamente cu e gabinete su reaccion oficial na e comision su rapport.

Otro mocion ta atende e gastonan di transport, cual ta un gasto significativo despues di vivienda den Caribe Hulandes. E gobierno ta ser pidi evalua e rekisitonan pa establece un red di transport publico, notando cu transport accesibel por reduci e costo di bida. E mocion aki ta pidi e gobierno pa colabora cu e islanan y incorpora recomendacionnan di e rapport, cu resultadonan den plan pa proximo presupuesto.

Educacion tambe a ricibi atencion, cu un mocion haciendo yamado pa e desaroyo di un plan pa mehora e calidad di scol y e cuido prome y despues di scol den e Caribe

Hulandes, notando su importancia pa ambos muchanan su bienestar y participacion di e mayornan den forsa laboral.

Pobresa ta keda un preocupacion den e region, mirando cu Parlamento a nota cu un den cada 3 persona den Caribe ta biba den pobresa. Un mocion ta haci peticion pa un rapport di progreso anual riba standard di ingreso minimo y un evaluacion continuo di e ingreso minimo na Hulanda cu atencion specifico na Caribe Hulandes.

Pa loke ta trata gobernacion y representacion igual, otro mocion ta haci yamado na

e gobierno pa responde na Raad van State su rapport tocante e di 70 aniversario di Kingdom Charter, cual ta enfatisa e necesidad pa un proceso di tuma decision balansa entre Caribe y Hulanda Europeo. E mocion aki ta propone consulta cu e stakeholders prome cu e IPKO binidero den juni di 2025.

Un mocion pa mehora e transparencia di alocacion di presupuesto pa Caribe Hulandes tambe a keda aproba, cual ta pidi pa gobierno establece un presentacion estructural pa Caribe Hulandes y tur e topiconan den presupuesto pa departamentonan pa e prome kwartal di 2025.

Cremento di poblacion na Boneiro, particularmente a causa di migracion for di Hulanda Europeo a ser considera otro problema grandi. E parlamentarionan a expresa preocupacion tocante e presion riba vivienda y servicionan publico. E gobierno a ser pidi pa considera regulacionnan adicional riba migracion den consulta cu e autoridadnan local y pa explora amienda na Admission and Expulsion Act pa e islanan BES.

Finalmente, e preocupacionnan riba China su influencia creciente den Caribe, particularmente sectornan critico manera telecomunicacion y energia, a keda enfatisa. E mocion ta pidi gobierno desaroya un strategia pa mitiga China su influencia creciente den e paisnan di Caribe y provee un rapport anual riba e caso aki.

E mocionnan aki tin intencion di ta un reflejo di e parlamento Hulandes su compromiso, en particular e compromiso di e parlamento pa atende e problemanan structural cu ta impacta e calidad di bida y gobernacion den Caribe Hulandes.

Corsou: Parlamentario Martines deteni bao sospecha di trafico di droga

(CuraçaoChronicle) - Michelangelo "Lo" Martines, un miembro di parlamento di Corsou y e fundador di e partido Korsou Esun Miho (KEM) a keda deteni diamars mainta y no solamente bao sospecha di labamento di placa sino tambe bao sospecha di trafico di droga.

Su detencion ta parti di e investigacion criminal "BLEDA", cual ta trata crimennan serio cu un impacto significativo riba seguridad di comunidad.

E Ministerio Publico (OM) a confirma Martines su detencion. Anteriormente el a cumpli un sentencia den prizon pa un ofensa relaciona cu droga. E detencion aki ta bini despues di mas di 1 aña di investigacion intenso lidera pa RST. Bao supervision di e fiscal publico, RST tambe a conduci un inval na cas, confiscando varios articulo cu posiblemente ta evidencia cu ta compromete e parlamentario.



Martines, conoci como e unico representante di partido KEM, recientemente a hunga un rol den fortalece e gobierno di Pisas. Su partido, KEM, ta anticipa di provee e minister nobo cu lo ta encarga cu e cartera di desaroyo social, labor y bienestar, aunke su nombracion no a keda ofi-

cialmente comproba ainda. Pa evita e riesgo di compromete e investigacion andando, e Ministerio Publico (OM) no lo revela detaye adicional tocante e caso pa awo pero si a indica cu mas detencionnan por bini acerca.

E detencion aki ta un test se-



rio di e pais su integridad nacional segun e lider di partido PAR Quincy Girigorie, ken tambe ta miembro di Parlamento. Segun Girigorie, e acusacionnan aki tin implicacion amplio pa e gobierno y e nacion.

E ta haci yamado na Prome

Minister Gilmar "Pik" Pisas pa haci un declaracion publico y tuma un posicion riba e problema aki. Tambe el a urgi Zita Jesus-Leito atende e esaki, notando cu el a uni e coalicion cu KEM augustus ultimo, haciendo un aliansa nobo den gobierno.

E posibel politica di comercio di Trump ta lanta preocupacion pa economianan di Union Europeo y Hulandes

(NLTimes) - Cu Donald Trump cla pa regresa e Cas Blanco (White House), ING ta adverti cu su politicanan comercial anticipa por menasa e economia Hulandes y tambe e zona euro mas amplio. E enfoque di Trump, cu ta spera di inclui tarifanan riba importacion Europeo, por pusha e zona di euro den direccion di recesion, cu Hulanda vulnerabel debi na e dependencia di su economia riba exportacion.

Expertonan di ING a expresa nan preocupacion cu e tarifanan proponi pa Trump, cu por yega te cu 20% riba produccion Europeo, por haci daño na industrianan clave manera fabricacion di auto. Alemania, e partner mas grandi di Hulanda dentro di e zona euro, probablemente tambe lo sinti e impacto inmediato di e tarifanan aki, y interrupcionnan den exportacion di Alemania lo a tin efecto den henter e econo-



mia Hulandes. “Alemania ta luchando caba y tarifanan nobo riba autonan Europeo lo ta specialmente dañino,” e rapport di ING a bisa, agregando cu e posicion impredecibel di Trump riba OTAN y politica exterior por sigui promove inestabilidad economico dentro di e region.

E plannan di Trump pa tarifanan pisa—potencialmente 60% riba importacion Chines y 20% riba mercancia di otro paisnan—tin como meta pa impulsa produccion domestico na Merca. Sin embargo,

esaki por pone tension riba exportadonan Europeo, afectando industrianan for di tecnologia te na mashinnan. Ta anticipa cu e politiconan Europeo lo retrasa e contesta te ora cu e accionnan comercial specifico di Trump bira mas cla. Mientras tanto, Banco Central Europeo (BCE) por considera reduccion di interes pa sostene e economia di zona euro, cu analistanan ta pronostica e prome reduccion te cu december.

Ademas di e tensionnan comercial, e politicanan econom-



ico di Trump, cu ta enfatisa reduccion di belasting, restriccionnan di inmigracion y proteccionismo, por conduci na aumento di gastonan di fianza globalmente y un dolar Mericano mas fuerte. E cambio aki lo pone mas presion riba e euro, haciendo exportacion for di Hulanda y otro paisnan di e zona euro mas caro y potencialmente desanima e demanda. Adicionalmente, economistanan di ING ta pronostica cu BCE por responde na señalnan trempan di un bahada economico cu un bahada di tarifa di 0.5% na december, cu e meta pa sostene crecimiento

di e zona euro memey di impredecibilidad aumenta.

E mercadonan di bonus ya a muestra señalnan di volatilidad como contesta na e eleccion. Aunke e rindimentonan di Merca a subi, e bonusnan Europeo a keda relativamente stabiel. E analisis di ING ta sugeri cu si Trump sigui persigui politicanan comercial agresivo, e zona di euro por mira un episodio di “risk-off” mas amplio, cu inversionistanan ta bira pa bonusnan mas sigur manera e Bunds di Alemania.

Welganan nacional di trein por cuminsa dialuna ya cu ProRail ta rechasa e demandanan di salario di sindicato



(NLTimes) - Mas welga di trein ta na caminda na Hulanda. Gerente di infraestructura di trein di ProRail a bisa den un declaracion diaranson cu el a rechasa e demandanan di salario di e sindicato clave FNV durante negociacionnan di acuerdo laboral colectivo. ProRail a bisa cu e ta spera cu e sindicato cuminsa cu paro di trabou como protesta for di 11 di november,

un vocero a confirma na Telegraaf.

FNV a duna ProRail te cu diahuebs pa bay di acuerdo cu su demanda di salario. E sindicato tabata kier un aumento di salario di 15% pa trahadonan di entrada abou y un aumento di 10% pa trahadonan den e segmento di entrada mediano. Pero ProRail a bisa cu e lo no bay mas halto u un aumento promedio di 5.2%, cu gruponan di

salario mas abou ta ricibi un aumento di 7.9%.

“Nos ta rechasa e ultimatum di FNV. FNV lo, pues, tuma accion, ta e expectativa,” un vocero di ProRail a bisa e corant. E gerente di ferry a agrega cu e sindicatonan CNV y VHS Railprofessionals a bay di acuerdo cu e oferta final di ProRail.

Esencialmente, e exigencianan di e sindicato lo rekeri pa ProRail gasta e ekivalente

di 49 miyon euro mas cu loke e gerente di trein a haya aceptabel. “ProRail a indica caba den e oferta final ey cu el a bay na e limite pa loke ta trata mehoracion di salario,” e compania a declara. E placa extra cu FNV a pidi lo mester a ser financia pa ProRail for di su propio recursonan. Esey ta pues na costo di nos tareanan como gerente di trein y di trabounan na ProRail.”

FNV no a responde ainda na e rechazo di ProRail. Den su ultimatum, e sindicato a bisa cu lo cuminsa cu interrupcionnan di trabou y welga for di dialuna despues di e ultimatum.

“ProRail ta confrontando

un tarea grandi di mantencion pa e caminda di trein y mester tene un bista riba gastonan. Nos a busca un balansa responsabel entre un miho acuerdo colectivo di trabou y e gastonan involvi. ProRail kier keda den liña cu e mercado: competitivo y na e mesun tempo balansa,” ProRail a agrega.

E acuerdo di negociacion colectivo di ProRail ta cubri alrededor di 3,500 empleado di e gerente di trein. Hopi ta traha den control di trafico di trein. Si nan bay den welga, lo ta imposibel pa core treinnan na un manera sigur, impactando biaheronan y transporte di carga.



Argentina: Bononan ta pop mientras inversionistanan ta aplaudi prospecto Milei-Trump

(Reuters) – Bononan Argentino di dollar a bula den intercambio trempan diaranson y e indice di riesgo di e pais a mira un caida skerpi, cu inversionistanan aplaudiendo e prospecto di lasonan mas cercano entre presidente libertario Javier Milei y su aliado Mericano, e recién eligi Donald Trump.

Bononan soberano a avansa un averahe di 2.5 por ciento den intercambio trempan, mientras e indice di riesgo, un medida di e premium cu inversionistanan ta exige pa tene bononan local versus e debe Mericano ekivalente, a



cay na tiki mas cu 880 punto base, e nivel mas abao den cinco aña.

Mercadonan Argentino ya tabata den crisis bao di e austeridad pro-mercado di Milei,

un economista derechista y ex-presentador di television cu ta comparti algun di e mesun politica y energia di Trump, kende a gana un eleccion comeback diamars.

Riba cayan di Buenos Aires, hopi a mira e victoria di Trump como positivo pa e economia Sur Americano impulsa pa agricultura. Milei, kende a campaña cu un chain-saw como simbolo di su cortenan den gasto y hopi biaha ta canta canticanan di roco, a ser yama “El Loco.” El a bira un icono di derecha global y a bira cercano cu Trump y aliadonan manera Elon Musk.

E lasonan cercano por yuda e programa di prestamo di \$44 biyon di Argentina cu Fondo Monetario Internacional, cu un programa nobo spera di keda discuti otro aña. Mercatin e poder di voto mas gran-

di den e prestamista basa na Washington.

Sinembargo, analistanan a adverti cu victoria di Trump por conduci na un deterioro den tasa di cambio anker di Argentina, algo cu Milei a reforsa despues di años di caida di e moneda.

Sinembargo, pa awo, economista local Federico Rayes ta bisa cu e mercadonan domestico tabata mas enfoca riba politica y instinto. “Pa awo e locura di bono Argentino tin mas un componente politico hopi fuerte y menos un fundeshi economico,” el a bisa.

Colombia: Corte ta habri investigacion riba ex-presidentenan di Senado y Congreso pa corrupcion

(EFE) – Corte Supremo di Husticia Colombiano a habri diamars un investigacion contra ex-presidentenan di Senado, Ivan Name y di Camara di Representante, Andres Calle pa nan supuesto vinculo den hechonan di corrupcion den un unidad estatal, cu ta toca varios miembro di gobierno y Congreso.

Senador Name, di Alianza Verde, y representante Calle, di Partido Liberal, a keda acusa di delitonan di soborno impropio y malversacion pa apropiacion na favor di terceros, den un investigacion relaciona cu otorgamento di contract di Unidad Nacional pa Gestion di Riesgo

di Desaster UNGRD, segun Corte a detaya den un comunicado.

Den e contratonan aki, e informacion ta agrega, e congresistanan “lo a interveni” como “presidentenan di Senado y Camara di Representante” y “lo a ricibi pago cash di man di ex-subdirector di Maneho di Desaster” di UNGRD, Sneyder Pinilla.

“E legisladornan lo a compromete, a cambio di e supuesto entrega di recurso, pa impulsa reformanan cu tabata den tramite den Congreso y cu tabata radica pa Gobierno Nacional. E placa ey, aparentemente, tabata destina pa e congresistanan pa e financiamiento di campananan

pa eleccion di mandatarionan local y regional (di 2023),” e corte a detaya.

Segun Pinilla a revela dia 3 di mey iltimo, e placa di UNGRD a ser usa na 2023 pa paga soborno miyonario na Name y Calle.

A desvia e placa supuestamente for di esun asigna pa cumpra 40 tanker pa abastece cu awa e departamento Caribeño di La Guajira, un proyecto den cual a malversa recursonan pasobra ademas e vehiculonan adkiri no tabata cumpli cu e condicionnan tecnico, entre otro fayto.

E scandal di corrupcion den UNGRD, un organismo encarga di atende y preveni



emergencia causa pa desasternan natural na e pais, a keda destapa pa prensa februari ultimo y desde e dia ey, a crece te alcanza e alto funcionarianan di gobierno.

Entre esnan señala tin minister di Hacienda, Ricardo Bonilla, ken segun Fiscalia tabata determinante, den coordinacion cu ex-director di UNGRD, Olmedo Lopez, a otorgamento di tres contract pa 92mil miyon pesos (alredor di 20,7 miyon dollar) pa beneficia seis congre-

sista a cambio di sosten pa amplia e cupo di endeudamento di gobierno.

Igualmente, ex-director di Direccion Nacional di Inteligencia (DNI) di Colombia, Carlos Ramon Gonzalez, un di e hendenan mas cercano di presidente Gustavo Petro, a keda señala pa e Fiscalia como e persona cu aña pasa a duna orden pa pago di soborno na dos congresista importante a cambio di sosten legislativo pa gobierno.



(AP) — Corte Supremo Mexicano a rechasa un propuesta diamars pa reduci e alcance di un reforma hudicial contencioso cu ta pone tur hues postula pa eleccion.

E esfuerso fracasa lo a rekeri solamente huesnan di Corte Supremo pa competi den eleccion na lugar di tur hues di e huesnan di e pais segun ta imponi den un cambio consti-

Mexico: Corte Supremo ta rechasa ultimo esfuerso pa limita reforma hudicial

tucional aproba na september.

Siete di e 11 hues a vota pa limita e alcance, pero un mayoria special di ocho tabata rekeri.

Den un declaracion, e corte a enfatisa cu e veredicto no tabata tocante e validez di e reforma hudicial, sino solamentne a rechasa e retonan di partidonan politico opositor.

E decision a yega un siman despues cu ocho hues a entrega nan renuncia, bisando cu nan ta bay bandonae corte na lugar di competi den eleccion hudicial

programa pa proximo juni. E otro tres hues di e corte a indica cu nan ta bay participa den eleccion.

Siman pasa, Congreso Mexicano y un mayoria di legislaturan estatal a sostene otro cambio constitucional cu ta protege amiendanan constitucional di retonan legal, pero e Corte Supremo a bisa cu esaki no ta aplica den e caso aki ya cu a haci e retonan prome cu e cambio a pasa.

Prome cu veredicto diamars, miles di persona a manifesta

pafo di e corte. E reforma hudicial a genera preocupacion paden di Mexico y den exterior tocante debilitacion di e separacion di poder y estado di derecho. Criticonan ta bisa cu pone tur hues postula pa eleccion ta bay politisa e hudiciario.

Presidente Claudia Sheinbaum ta bisa cu e iniciativa impulsa pa su predecesor, ex-presidente Andres Manuel Lopez Obrador, kende frecuentemente tabatin enfrentamento cu e corte, ta bay elimina corrupcion den corte.

Prome minister di Haiti ta segura na CPT cu no tin mercenario riba suelo Haitiano

DiarioLibre) – E prome minister di Haiti, Garry Conille, a reuni cu varios miembro di e Consejo Presidencial di Transicion (CPT), na kennan el a aclaria tocante e supuesto presencia di mercenari-onan stranhero na e pais, sigurando cu riba suelo Haitiano “no tin e tipo di agentenan ey.”

Segun e corant Le Nouveliste, durante e reunion entre CPT y Garry Conille, esaki a comparti documentonan tocante e Grupo Studebaker (un agencia di seguridad Mericano), cu a ser presenta manera un grupo di mercenario na e pais, pero tambe e funcionario a bisa cu e ta bay haci tur cos den su alcance pa garantisa e estabilidad na Haiti.

“Mi por segura boso, sin duda, cu no tin mercenarianan riba suelo Haitiano. Tambe mi kier boso sa cu mi ta bay tuma tur e medidanan necesario, usando tur e instrumentonan legal y constitucional, pa proteha Solino, Archaie, Pont



Sonde y Carrefour. Mi ta bay emplea tur e medianan legal na mi alcance,” Conille a afirma, ken a ser cita pa e CPT pa duna splicacion tocante dicho denuncia.

Solamente tres di e nuebe miembro di CPT a participa den e reunion cu a tuma lugadialuna ultimo, un di nan tabata e presidente di e entidad aki, Leslie Voltaire, tambe

Laurent St-Cyr y Frinel Joseph.

Durante e reunion a informa cu e tema di e agencia di seguridad ya a ser discuti anteriormente durante e gestion di e ex presidente di CPT, Edgard Leblanc Fils, pero cu tabatin informacion scondi pa e presidente di e CPT.

Di su banda Conille, du-

rante un actividad apart di e reunion, a declara den fin di siman cu manera hefe di e gobierno mester aumenta e precaucion na momento di comparti informacion, mirando cu durante e ultimo cuater luna, incluso, un miembro di su seguridad personal (ya caba deteni) tabata pasando informacion na delincuentenan.

“Tin un dicho cu ta bisa cu e

bosque tin hopi horea. Den e ambiente aki tin hopi horea. Kico mi a wak den e ultimo cuater luna? E agentenan ta planifica cuidadosamente e operacionnan, nan ta haci tur cos posibel pa realiza misionnan exitoso, pero e delincuentenan sa di nan incluso prome cu nan cuminsa,” Conille a afirma.

“Drumi na paz. Mientras mi ta akinan, no ta bay tin mercenarianan den territorio Haitiano. Tin e seguridad cu nos ta bay haci tur cos necesario y nos ta bay haya recursonan for di unda cu nos por haya nan,” el a reitera.

Studebaker Group ta un conglomerado multinacional cu sede na Merca cu tin un experiencia solido den defensa y inteligencia, tecnologia, movilidad, finanzas, gobierno y sectornan industrial critico.

E entidad ta specialisa den solucionnan integral pa e sector priva y publico den temanan di seguridad.

Republica Dominicana: ADP y otro organisacionnan sindical ta protesta contra e reforma laboral

(DiarioLibre) – E Asociacion Dominicana di Profesornan (ADP) y otro organisacionnan sindical a realiza un concentracion dilanti e ministerio di Trabou contra di e reforma laboral, cual nan a cualifica manera un reforma neoliberal.

Den e “Parada Unitaria”, manera e manifestacion a ser convoca, e profesornan tambe a muestra posternan pa keha di e cantidad di studiantenan cu tin den cada klas y di e fusion di e ministerio di Educacion (Minerd) cu e ministerio di Educacion Superior, Ciencia y Tecnologia (Mescyt).

E protesta contra e reforma laboral ta ser realiza, ademas di e miembronan di e ADP, pa e Coordinacion Nacional di e Organisacionnan Social y Sindical. Nan ta exigi cu den e modificacion na e Codigo di Trabou ta mantene e cesantia como tambe e libertad sindical.

Di mesun manera, despues di lesa e documento, e presiden-



te di ADP, Eduardo Hidalgo, a demanda e cumplimiento di e acuerdo cu Minerd a pacta cu e sindicato ey, como tambe e cumplimiento di e evaluacion di desempeñu, atencion na e scolnan, completa e reahustamento salarial pa pensionadonan, incentivo pa e orientadornan, psicologo, director, coordinadornan pedagogico y di registro.

Hidalgo a bisa, igualmente, cu mester cumpli cu e 4% di e educacion pre-universitario cu, el a afirma, ta un konkista

di e pueblo. E senado di e republica a traves di e comision special, a defini su schedule relaciona cu e proyecto di ley cu ta modifica e Codigo di Trabou, cual ta forma parti di e trio di reforma sometida pa e Poder Ejecutivo. Ya caba a completa e constitucional y a aborta e fiscal.

E delegacion cu ta ser coordina pa Rafael Baron Duluc, senador di La Altagracia, a reuni pa 30 minuut y a planifica haci esaki di nobo dia

12 di november pa cuminsa e lectura di e piesa cu e minister di Trabou, Luis Miguel De Camps, a deposita dia 10 di october ultimo.

Baron Duluc a expresa cu tambe ta bay haci un comparacion di e articulonnan cu ta bay ser modifica y ta bay coordina e agenda pa ricibi e gruponan interesa den exponen nan puntonan di bista tocante e legislacion. Entre esakinan tin e propio minister di Trabou, sindicalistanan y dunadornan di trabou.

Ora cu e comision termina e consultanan, e ta bay reuni pa rindi un informe na e Pleno di Senado pa procede of refuta e normativa. Den caso cu e ta faborabel, e proyecto mester ser lesa y aproba den dos lectura sigui. Despues, e ta bay pasa e mesun ciclo den e Camara di Diputado y lo regresa na e Ejecutivo pa su promulgacion.

Entre e actualisacion di e reforma laboral tin un dia di vakantie extra cuminsando for di tres aña, regulacion di teletrabou y di trabou domestico, respectivamente; mas intensidad pa cumpli e 80-20 (80% di e trahadonan mester ta Dominicano y e 20% stranhero), eliminacion di e accionnan temerario y di e confiscacionnan inhumana.

E gobierno a reitera cu a yegana e propuesta den mas di 100 sesion, den cual a acorda no mishi cu e cesantia. Sin embargo, e empresarianan no ta conforme, pasobra nan a bisa cu e punto aki no a ser concretisa.

Prins William ta atende ceremonia di entrega di su premio ambiental Earthshot na Sur Africa



(AP) - Prins William a bisti keds cu ta biologicamente biodegradable blanco mientras e tabata cana riba e 'green carpet' na su ceremonia di entrega di premio Earthshot na Cape town diaranson, e parti principal di un trip enfoca riba ambiente di 4 dia na Sur Africa.

E Prins di Wales a crea Earthshot Prize den 2020 pa yuda negociantenan desaroya nan negoshinan cu ta bon pa medio ambiente y el a hiba e entrega di premio anual su cerenomia pa Africa - e continente unda el a haya e idea - pa prome biaha e siman aki.

“Nos kier haci esaki e decada den cual nos ta transforma mundo pa bon, un solucion pa un, for di abao te ariba,” William a bisa den un speech banda di un ‘reusable dome’ cu a ser lanta pa e ceremonia na waf di Cape Town.

Earthshot Prize, cual William a crea via su Royal Foundation, a entrega 1.2 miyon dolar den subsidio na 5 negoshi pa nan innovacion sostenibel y bon pa medio ambiente. E ganadornan ta inclui un

compania Mericano cu a desaroya e tecnologia pa usa calor genera for di industrianan pisa pa genera electricidad, un organizacion di Ghana cu ta train hende pa colecta y maneha sushi y un grupo di conservacion na Kazakhstan cu ta protegiendo un tereno grandi y kier salba Saiga Antelope for di extincion.

William, cu su keds ‘no plastic’ y un vestuario clasico, a bisa cu su premio a ser crea pa “elogia esnan cu ta soña, esnan cu ta pensa y e innovadornan for di tur caminda cu ta comparti e ambicion di crea un mundo miho y mas sostenibel.”

E premio Earthshot a bisa cu el a recauda alrededor di 110 miyon dolar pa sostene su proyectonan.

Aruba Bank ta anuncia fecha pa yegada di "Sinterklaas" na Aruba

Den un rueda di prensa ayera, Aruba Bank, un sponsor orguyoso di e festividadnan di Sinterklaas pa e aña aki, hunto cu Minister di Finansa y Cultura, Sra. Xiomara Maduro, Comision Celebracion Dianan Nacional - CCDN y otro partnernan, a anuncia e fecha oficial pa e yegada di Sinterklaas y su Pieten na Aruba. Famianan riba henter e isla por prepara pa duna Sinterklaas un bon bini riba diadomingo, 17 di november 2024 pa 4or di atardi na APA Toren.

Representante di Aruba Bank, Senior Marketing Officer, Sra. Roxanne Croes, a anuncia cu hopi entusiasmo e sosten cu e banco ta duna pa e tradicion aki. Nos ta masha contento pa por trece e magia di Sinterklaas atrobe pa Aruba. E celebracion aki tin un lugar special den nos comunidad, y nos ta honra pa por contribui pa un experiencia inolvidabel pa famianan riba henter isla.

Aruba Bank ta sigui sostene eventonan cultural cu ta reuni nos comunidad, y ta yuda den realisa e yegada di Sinterklaas na Aruba treciendo alegria y felicidad pa nos muchanan.



Algeria ta habri feria di buki sin ganador di premio literario den lenguahe Frances

(AP)—Mientras un di e feria di buki mas grandi den e mundo Arabe a mira su apertura ayera, tabatin un figura importante ausente. Autor Frances-Algerino Kamel Daoud, ken a gana e premio literario mas prestigioso na Francia e siman aki, no a ser invita pa e evento di e aña aki.

E ganador di Prix Goncourt di e aña aki y su publicador Frances Gallimard—un participante regular—tabata entre esnan cu no lo ta bon bini na e Algiers International Book Fair. E exclusion di varios autor y publicador prominente for di e evento di aña aki ta refleha e limitacionnan andante riba libertad



di expresion na Algeria.

E novelanan di Daoud y nan topico frecuente ta polarisa opinionnan den ambos Francia, unda e ta biba, y Algeria, unda el a nace. Su

tercer novela ganador Houris (Virgennan den Papiamento) ta conta di e memorianan di e victimanan di e “Decada Preto” di Algeria. Despues cu Islamistanan a gana e prome ronda di eleccionnan legis-

lativo na 1990, Algeria a descende den guera civil despues cu e segundo ronda a ser cancela pa e gobierno.

Aunke memoria di e historia ey ta keda presente, Houris no lo ta entre e mas cu 30,000 titulo disponible na e feria di buki, cual ta marca bao di e slogan “Lesá pa Triunfo” y cual lo tin un enfoque special riba historia.

Ali Bey, e doño di e Librarie du Tiers Monde di Algeria, a bisa cu e tabata “contento” pa mira e reconocimiento internacional di Daoud pero a lamenta cu lectornan Algerino no lo por cumpra su novelanan.

E censura aki ta extende mas leu di Daoud y Gallimard. Koukou Publishing, un publicador Algerino independiente lidera pa ex-activista politico Arezki Ait Larbi, tambe a ser exclui for di e feria di e aña aki. Koukou—conoci pa nan publicacion di articulo y novelanan cual frecuentemente ta desafia narrativa oficial—no a ser invita tampoco, Air Larbi a skirbi den un publicacion riba Facebook.

“Nos negoshi ta bao menasa di un prohibicion completo pa publica,” Ait Larbi a bisa, acusando e censuranan di e ministerio di Cultura dirigi riba su bukinan.

Influencer prohibi pa participa den marathonnan na NYC despues di trece un tripulacion di filmacion cune durante careda



(AP)—Un influencer di red social for di Texas a ser descualifica for di e marathon na New York City e weekend a pasa y e prohibi’e di participa den competencianan den futuro despues cu el a core e careda cu un tripulacion di filmacion riba e-bikes tras di dje.

New York Road Runners, cual ta organisa e careda venerable, a bisa den un declaracion diamars cu Matthew Choi a viola e codigo di conducta y reglanan di competencia di e grupo, sin menciona esnan di World Athletics, e organismo internacional gobernante di coremento.

“Un di e incidentenan cu a hala e atencion di NYRR tabata cu Choi a core cu e asistencia di dos hende autorisa coriendo riba biccletanan electronico riba e ruta, strobando otro coredor,” e grupo a bisa. Choi, 29, a caba e curso di 42.4 kilometer cu un tempo di

2:57:15, of aproximadamente 50 minuut despues di Abdi Nageeye, e ganador di e careda masculino.

E ex-hungador di futbol Mericano pa Monmouth University na New Jersey a publica varios video di dje coriendo e marathon riba su cuentanan di red social cu inmediatamente e invita critica. “Como coredor, mirando e tabata great. El a duna mi extra motivacion pa pas’e y segura cu mi nunca mester wak e y su tripulacion pa e resto di careda,” segun un usuario riba Reddit a skirbi.

Choi no a responde inmediatamente na un e-mail cu AP a manda buscando pa comentario diamars. El a pidi despena riba su cuenta di Instagram, unda el a publica video tocante coremento y fitness pa mas cu 400,000 siguidor.

Choi a reconoce cu filmamento a pone otro

competidornan den peligro, a preveni algun pa posiblemente alcanza nan miho tempo di coremento, y hasta a blokia algun hende di haya bebida na stacionnan di awa. Mas cu 55,000 coredor a completa e careda.

“E Marathon di New York City ta tocante tur hende y

e comunidad, y mi a haci’e tocante mi mes,” el a bisa. “Y pa tur hende cu mi a afecta, mi ta pidi despena. Pa ta claro, esaki ta 100 porciento mi culpa.”

NYRR a bisa cu Choi tin e derecho pa apela e prohibicion, pero e influencer

a bisa cu e ta acepta su destino. “Mi a causa esaki pa mi mes, pues mi ta acept’e,” Choi a bisa, reconociendo cu el a ser critica den pasado caba pa usa tripulacion di filmacion durante competencianan grandi. “E no lo pasa atrobe. Mi palabra ta mi promesa.”



Barcelona, Inter y Brest ta gana atrobe den Champions League. Pinalti straño ta stroba Aston Villa

(AP)—Barcelona y Inter Milan a sali victorioso atrobe den e Champions League ayera aunke ambos ta para mas abao cu club nobo Brest. Aston Villa a cuminsa e siman cu un avance den e etapa di 36 equipo pero su serie victorioso a caba despues di un pinalti straño den un perdida 1-0 cu a manda e club Ingles cay pa di ocho luga.

Paris Saint-Germain, den su prome temporada sin Kylian Mbappe, ta cay atras na di 25 luga despues cu Atletico Madrid a hinca den stoppage time pa cera un victoria 2-1 pa e equipo Spaño na Parc des Pricnes.

E serie victorioso di Barcelona a continua den un victoria



di 5-2 contra Red Star Belgrade—di shete wega gana tras di otro desde e comiendo di october na un grado di cuatro gol pa wega. Robert Lewandowski a hinca dos biaha y tin 21 e temporada aki.

Inter Milan a stroba Arsenal den un wega gana 1-0 na San Siro, cual Hakan Çalhanoğlu su pinalti den e prome stoppage time a confirma nan

victoria. Inter no a sali perdi ningun biaha, cu dies punto na di cinco lga, un mas abao cu Brest, cual a gana 2-1 contra Sparta Prague. Ta parce cu e debutante Frances sigur lo avansa pa e etapa di eliminacion cuminsando februari.

Atalanta a gana 2-0 na Stuttgart riba ocho punto y Salzburg a haya su prome gol y puntonan den un victoria

301 contra Feyenoord. Heorhiy Sudakov a duna bon asistencia y miho ainda un gol den un victoria 2-1 pa e campeón Ucrainiano contra Young Boys. Sudakov a muestra pakico ta anticipa cu e lo ta e proximo top hungador di e club.

Un comienzo retrasa pa 15 minuut na Bayern Munich pa via di congestion di espectador a resulta den un fin laat den su wega contra Benfica. Liverpool, cual diamars a gana Bayer Leverkusen 4-0, ta lidera e formato di ranking singular riba un punto medio di e programa di ocho ronda. Liverpool ta e unico equipo cu cuatro victoria consecutivo, mientras cu cinco equipo tin cuatro perdida. Esakinan ta Leipzig, Sturm Graz, Young Boys, Red Star Belgrade y Slovan Bratislava.

Dos equipo Italiano—Inter Milan y Atalanta—mester a concede un gol ainda den cuatro wega. Un otro equipo Italiano, Bologna, ta e unico equipo cu ningun gol hinca ainda.

Villa a lidera e ranking di Champions League despues di tres wega gana sin concede un gol—y a tuma un incidente straño prome cu keeper Emiliano Martínez por a ser derota.

Mings a ser castiga pa gara bala a parce cu Martínez ta di cuminsa cu wega atrobe cu un tira di gol pasa pa su compañero. Mings a cana un par stap pa gara e bala cu su man robes y a regresa pa pone den caha di seis yarda.

Jerusho Fernandez y Sonaly Fernandez Acosta cu gran prestacion representando Aruba na Colombia

Diadomingo ultimo un cantidad di 11,000 ciclista, representando practicamente tur pais na mundo, a participa na e corida di mas popular di continente.

E corida aki tabata e recorrido di mas grandi di e version di e “Giro di Rigo” cu ya a wordo organisa na diferente pais den e continente Americano. En bista cu e recorrida aki tabata su despedida oficial di ciclismo profesional, e Colombiano Rigoberto Uran, mihor conoci como Rigo, a organisa e evento den su estado natal na Antioquia, Colombia.



Jerusho Fernandez cu su ruta “Leyenda” di 160 km cu un altitud total di 3,200 meter, ta logra termina den un tempo oficial di 7 ora y 30min. Son-

aly Fernandez Acosta cu su ruta “Mitica” di 65 km cu un altitud total di 2,200 meter, ta termina den un tempo total di 3 ora y 34 min. E pareha



a hiba un preparacion di lunanan largo y a keda masha satisfecho cu nan resultado.

Esaki ta un pareha, cu dos yiu, cu ta un bon ehempel na hobennan, pero tambe adultonan cu tin famia.

Esaki ta un pareha, cu dos

Hulanda: Partido di coalicion VVD kier pa polis cobra clubnan di futbol pa interveni den motin

(NLTimes)—VVD kier pa polis cobra clubnan di futbol placa si polis mester interveni den violencia di fanaticonan, segun parlamentarario Ingrid Michon a bisa den un mocion. Y clubnan di futbol cu no ta tuma suficiente medida pa preveni motin y otro violencia di fanaticonan mester perde nan licencia profesional, segun e parlamentarario liberal a conta De Telegraaf.

E mocion ta contene un lista largo di propuestanan pa aborda delincuentenan den y

rond di stadionnan di futbol. Esaki ta inclui control den acceso, mas monitorio via camara, y acuerdonan obligatorio cu e municipalidad, polis y fiscal prome cu weganan controversial. “Si rekeri mas polis pasobra cosnan ta bayendo for di man, e ora e club a fracasa,” Michon a bisa. “E ora e costo di e despliegue extra lo mester cay riba nan.”

E kier inclui e cantidad y cualidad di camaranan di monitorio den e rekisitonan pa un licencia profesional di club. Mescos mester aplica pa e cantidad y nivel di en-

trenamento di security guard den e stadion.

Michon ta pensa cu clubnan mester tuma mas responsabilidad. E kier rekeri nan pa inverti den ekipahe pa control di acceso y conduci mas control di identidad na gate. Rijnan largo no ta un argumento suficiente contra esaki, el a bisa. “E ora bo mester yega stadion mas trempan. Semper tin un argumento pa no haci algo. Ami ta bisa: djis haci’e.”

Un pari grandi di e acercamento di parlamentarario ta un rekisito di licencia pa cada



wega pa asina alcaldenan por eherce medida pa cada wega, manera inspeccion preventivo, limitando e cantidad di espectador, of rekeri un cierto cantidad di security guard. Tambe e kier pa e clubnan reuni cu e alcalde, polis y fiscal prome cu weganan

controversial y acorda riba un despliegue di polis y otro medidanan. Pa cobra clubnan pa extra despliegue di polis lo “stimula” nan tuma nan responsabilidad serio, e ta kere.

Potret di cuerpo policial Hulandes.

Google Maps ta agrega funcion di AI pa yuda usuarionan explora y nabega e mundo rond di nan

(AP) - Google Maps ta cuminsando un caminda nobo maneha pa Inteligencia Artificial.

E cambio anuncia diahuebs lo trece un tecnologia di AI revolucionario, cu Google ya caba tin tempo ta hinca den su search engine dominante, na e servicio di mapa digital cu e compania di internet a lansa casi 20 aña atras como parti di su esfuerso pa expande na fronteranan nobo.

Google Maps recientemente a surpasa 2 bion usuario mensual pa prome biaha, un logro cu ta ilustra con independiente hende a bira pa cu e servicio su direccinanan durante nan biahe na luganan nobo. Cu e introduccion di Google su tecnologia Gemini pdoera pa AI, e mapa awo ta ser crea pa bira un guia di entretenimento ademas di un herment pa nabegacion.



Cuminsando e siman aki na Merca so, e usuarionan lo por papia cu Google Maps pa pidi tip tocante kico pa haci na luganan specifico den un bario of ciudad y ricibi lista di restaurant, bar y otro atraccionnan cercano cu ta inclui evaluacion cu a ser compila durante e añanan. Funcionnan nobo tambe lo provee informacion mas detaya

tocante opcion pa parkeer na un sitio designa conhuntamente cu e direccion di unda pa cana pa e usuario check despues di sali for di e auto.

“Nos ta drentando un era nobo di ‘maps’,” Miriam Daniel, manager general di Google Maps a conta reporteronan diaranson durante un muestra di e funcionnan presenta na Palo Alto, California.

“Nos ta transformando con bo ta nabega y explora mundo.”

Google Maps ta purbando di atende kehonan pa medio di introduci imagennan mas detaya cu lo haci mas facil mira unda riba e caya bo mester ta prome cu e birada yea.

Den otro cambio cu AI, Google Maps lo permiti desaroyadornan di fuera drenta

e modelonan di lenguahe usando su tecnologia Gemini pa por permiti e preguntanan tocante destino specifico manera apartamento, restaurantnan y haya contesta dentro di seconde. Google ta bisa e funcion nobo aki, cual inicialmente lo pasa door di un fase di test, a pasa un procedura di check e hechonan cu e ta yama “grounding.”

Na un distrito escolar di Florida algun mayor ta rechasando e prohibicion di celular

(AP) - E no ta un sorpresa cu studiantenan ta rechasando un prohibicion riba celular den klas. Sinembargo e administradornan di scol na South Florida su esfuerso pa kita e bista di e muchanan for di nan pantaya ta enfrentando resistencia di otro grupo tambe, e mayornan.

Desde e comienso di e aña escolar di 2024 na augustus, studiantenan na Broward Coutny Public Schools, e pais su di 6 distrito escolar mas grandi, a ser prohibi usa nan celular durante oranan di scol, incluyendo durante pauze, al menos cu nan ricibi permiso.

E scolnan ta un di e varios den e pais cu ta luchando cu con pa tuma accion contra celular, na un momento unda expertonan ta bisa cu uso di rednan social entre hobennan ta casi univrsal, y cu e tempo cu nan ta pasa riba pantaya - cual ta yama ‘screentime’ - ta conecta na tasanan mas halto di ansiedad y depresion entre muchanan.

Sinembargo un encuesta cu a manda na South Florida su distrito escolar anteriormente e temporalada aki a haya cu di e mas di



70,000 estudiante, docente y mayor cu a participa den e encuesta, casi 1 den cada 5 mayor ta contra e prohibicion di celular aki y ta considera cu e tin un impacto negativo riba e bienestar di e muchanan.

Entre e preocupacionnan top pa e studiantenan y mayornan cu a participa den e encuesta tin cu nan no por comunica cu nan familiar, specialmente den caso di emergencia, un ansiedad cu ta profundo den un distrito cu ta cas di

Marjory Stoneman Douglas High School unda un tiroteo na 2018 a causa e fayecimento di 17 persona.

Oficialnan di e distrito tambe a bisa cu studiantenan por usa nan telefon durante un emergencia y cu e docentenan tin e flexibilidad di otorga acceso pa otro motibonan tambe. “Mi no ta kere cu ningun di nos ta kere cu e muchanan mester ta riba nan celular durante les,” Erin Gohl, un

mayor a comenta. “Nos ta papiando di duna muchanan hermentnan durante e tempo cu nan tin mester,” el a agrega, incluyendo cu ta laga muchanan usa nan celular pa “propositonan positivo pa salud mental.”

Oficialnan na Fort Lauderdale a admiti cu e implementacion di e politica no ta consistente. Algun docente ta encontra lucha pa monitor e muchanan su uso di telefon y ta topando cu e realidad cu pa algun

mucha, e ta un herment necesario pa tin acceso na lesnan online y entrega nan tarea, specialmente pa esnan cu no tin un laptop di parti di scol. Ademas mayornan a argumenta cu e studiantenan ta miho cu nan telefon, yudando nan coordina ora pa buscanan of pa pidi nan mayor conseho of informanan tocante un bully na scol.

“Mi no ta kere cu e studiantenan - of e mayornan di e studiantenan - bisa, si, berdad, mi no kier e muchanan tin telefon,” Howard Hepburn a comenta. “E expectativa cu nos ta bay tin un paro inmediato no ta realidad. E ta tuma su tempo.”



Accidente sin rijbewijs na Hooiberg banda di e oficina di Dr. Mungra

Diamars mainta a drenta informe di un accidente na Hooiberg banda di oficina di ex-oficina Dr. Mungra, mesora a dirigi un patruya na e sitio unda un s.u.v. a sali dilanti di un Hyundai i10 y e accidente a sosode.

Den e accidente aki tin un persona cu no tin rijbewijs involvi. Afortunadamente ningun hende hende a resulta hende herida



Kia Sportage a pone un Kia Sportage mas nobo kenter



Dialuna atardi a drenta informe di un accidente cu hende herida na Wayaca, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda un auto

Kia Sportage a kenter ora un otro Kia Sportage a dal den dje den banda. Debi na e impacto ambos chauffeur a resulta levemente herida. Na

yegada di e ambulans nan a atende e victimanan na e sitio mes. Tabata un sorpresa agradable pa a saluda e expolisnan Shonpe Krozendijk

y Papito Comenencia. Algun di e polisnan hoben na e sitio no a reconose nan pero a saluda nan respectivamente.

Mucha turista di 2 aña cu a cay den piscina di hotel a ser rescata mesora

Diamars atardi a drenta informe di cu un mucha di 2 aña a cay den piscina di un hotel na Palm Beach, mesora a dirigi tanto polis como 2 ambulans na e sitio.

Na yegada di e patruya a bin compronde cu mesora e mucha a cay den e piscina ela ser rescata y a dune CPR. Na yegada di e ambulans nan a core hib'e hospital y eynan ela ser interna pa supervision.



Recherche Oranjestad a detene un adicto ambulante na Museo Archeologico

Diamars mainta a drenta informe di cu recherche Oranjestad a detene un adicto ambulante na Museo Archeologico. Mesora a dirigi e vehiculo di

transporte policial pa busca e sospechoso.

Na yegada di e vehiculo y a transporta e sospechoso pa oficina di recherche.



Auto a bay sali di un crusada net otro auto ta sali banda di dje y e chauffeur a dal den dje

Dialuna mainta a drenta informe di un accidente na Ponton, mesora a dirigi un patruya na e sitio.

Na yegada di e patruya a bin compronde cu aki ta trata di un Kia Rio cu a haya chens pa sali pero un otro auto MG tambe a sali y nan a a bay dal den otro. Afortunadamente ningun hende a resulta herida.



Chauffeur a reverse pa warda un chens pa sali y un otro chauffeur a reverse y a dal e auto



Dialuna mainta a drenta informe di un accidente dilanti Giselle Department Stores na Noord, mesora a dirigi un patruya na e sitio.

Na yegada di e patruya a bin compronde cu aki ta trata di un auto Tahoe cu a reverse sin a wak patras y a bay dal riba e auto. Pero nan mes a keda di regla e daño causa,

Ladronnan a pasa horta 2 airco for di Paraguana

Dialuna atardi a drenta informe di un caso di kiebro y ladronia na Paraguana, mesora a dirigi un patruya na e sitio.

Na yegada di e patruya a bin compronde cu aki ta trata di ladronia di 2 airco cu a ser horta for di e cas. Polis a tuma e keho aki y a pas'e pa recherche.




Pick-up sin number a pasa dal spiel di un BMW nobo y a core bay; polis a par'e dilanti Compleho Deportivo Frans Figaroa

Dialuna atardi a drenta informe di un accidente cu a sosode patras di Elmar Hato unda un Mazda Pick-up sin number a pasa dal spiel di un BMW nobo y a sigui core.

E dama a bay su tras te ora cu polis a par'e dilanti Compleho Deportivo Frans Figaroa. E homber di e pick-up ta bisa cu e dama ta na telefon mientras e ta stuur e auto etc. pero e homber mes ta core auto sin ningun number.



Accidente entre 2 Nissan March y un hende herida pa falta di preferencia na Sabana Liber



Diadomingo anochi a drenta informe di un accidente cu hende herida

na Sabana Liber, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di 2 Nissan March y pa falta di

preferencia. Debi na e impacto un persona a resulta herida. Na yegada di e ambu-

lans nan a atende e victima y a transporte pa hospital.

Ladronnan a horta "safe" di Cafe Santos na Tanki Flip

Dialuna madruga alrededor di 1:20 ney ladronnan a forsa e porta di Cafe Santos na Tanki Flip y a ranca e "safe" for di e muraya y a bay cu esaki for di e lugar.

Polisnan a haya e grabacion di 2 persona local papiando papiamento mientras nan a comete e fechoria aki. Lo no dura mucho pa captura nan ya cu nan bos ta reconocibel.



Ladronnan a kibra bentana, drenta y reboltea tur cos den un auto na Dominicanessenstraat

Dialuna mainta a drenta informe di un caso di kiebro y ladroncia for di un auto staciona den Dominicanessenstraat, mesora a dirigi un patruya na e sitio.

Na yegada di e patruya a bin compronde cu aki ta trata di un kiebro y reboltia tur cos den e auto pero na final nan no a bay cu nada. Pero e doño a keda si cu e gasto di un bentana nobo.



Takelwagen a tuma bocht mucho paden dal auto contrario manda chauffeur hospital



Dialuna mainta a drenta informe di un accidente cu hende herida na Sero Patrishi, mesora a dirigi tanto polis como

ambulans na e sitio.


Na yegada di e patruya a bin compronde cu aki ta trata di un accidente unda e

chauffeur di e takelwagen a tuma e bocht mucho paden y e auto contrario a bin dal den banda di e takelwagen.

Den e impacto aki e chauffeur a manera cunsa bati bati y a bay off un rato. Despues ela bin bij y a bay sinta na un banki.

Na yegada di e ambulans nan a atende e victima y a transporte pa hospital.

5 ehemplar di 'E flor tristo' pa biblioteca hubenil



Presentacion a tuma lugar diabierna ultimo.

Muchanan cu tin gana di lesa e storia tocante un flor tristo por fia esaki pronto na biblioteca hubenil. Escritora Ariana

Koolman-Chirino a regala biblioteca 5 ehemplar pa su dept. Hubenil na Playa y San Nicolas y tambe uno pa e Coleccion nacional.

Escritora y poeta Ariana semper a gusta y practica Arte, musica, skirbi, pinta, obra di man, teatro y mucho mas. El a desaroya su mes den litera-

tura, poesia, prosa, Haiku y awo el a tuma e decision pa skirbi buki pa mucha.

Ariana ta autor di e tomo di e poesia 'Mi bahul di poema', co-Autor di e buki 'Maraca'

y awo su proyecto mas recien pa nos muchanan cu ta titula 'E flor tristo'. Cu placer y gran honor e autor ta debutando e aña aki den Festival di buki pa mucha.

Recordatorio:

Exprodesk ta invita pueblo di Aruba pa bin cera conoci cu un variedad di productonan local na e 'Aruba Showcase Event II'



Departamento di Asuntonan Economico, Comercio y Industria y su unidad Exprodesk den colaboracion cu Ministerio di Asunto Economico, Comunicacion y Desaroyo Sostenible ta organisa **Aruba Showcase Event II-Promocion y Exhibicion di productonan di Aruba y oportunidad pa promocion di Bo producto via e 'Webpage Aruba Showcase' na Plaza Comercio dia 9 di november 2024 di 6:30pm pa 9:00pm. Entrada lo ta completamente gratis! 'N Fuzion lo t'ey pa duna ambiente y entretene publico presente. Bar y cushina lo ta bon surti.**

1. Exhibicion di productonan "Original di Aruba": tur presente lo tin e oportunidad pa experiencia pa nan mes y cumpra un variedad di articulo produci localmente, cu ta e.o. pica, cosmetica (habon, makeup, desodorante, proteccion solar, etc.), chuculati, productonan masculino pa barba, siga completamente produci na Aruba, obranan di arte, diferente biña y likeur di casho y honing, tequila di mango y coco traha cu awa di nos lama, prendan di glas di lama, badpak, paña y acesorio di moda (sostenibel) y mucho mas.

2. Webpage Aruba Showcase: oportunidad pa productonan "Original di Aruba" bay riba e 'Webpage Aruba Showcase' cu lo brinda un plataforma digital pa tur negoshi local promove y vende mas producto despues di e evento. E webpage tin como meta pa conecta nos negoshinan local cu un audiencia mas amplio y asina fomenta crecimiento economico y amplia e alcance di nos productonan local riba nivel mundial.

Pueblo di Aruba, prepara pa un evento espectacular cu lo resalta e variedad di productonan produci localmente. 'Aruba Showcase Event II' ta bay ta un celebracion, brindando pueblo di Aruba e oportunidad pa bin explora e diversidad di productonan di calidad halto cu Aruba tin pa ofrece. 'Aruba Showcase Event II' kier fungi como un plataforma unda negoshinan local por exhibi y potencialmente vende nan producto, contribuyendo na Aruba su economia y cultura vibrante y asina refleha e creatividad y innovacion di empresarionan Arubano.

'Aruba Showcase Event II'

Pa mas informacion over di e evento y webpage "Aruba Showcase", y con pa participa, por tuma contacto cu Sra. Sharon Meijer via: s.meijer@deaci.aw

Resultado Sorteo <i>November 06</i>			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
3036	7002	3843	9207
1332	9579	SUPER5	4966
6184	8496	-	4876
MERDIA	ANOCHI		
			08-12-17-24-25
Sorteo # 4441	Sorteo # 8392	Sorteo # 2542	Joker 14 Letter F
0215	5708	0 x Jackpot	Proximo Jackpot
5639	9469	0 x Match 4+	140.000,-
3837	3258	7 x Match 4	
		197 x Afl. 12,00	
			01-19-21-25-29
Sorteo # 4441	Sorteo # 7436	Sorteo # 6647	Proximo Jackpot
1997	5848	0 x Jackpot	64.000,-
		4 x Match 4	
		144 x Afl. 8,00	
			Mega Ball
Sorteo # 2497	Sorteo # 2141	Sorteo #	Proximo Jackpot
8631	6681	0 x Jackpot	290.000,-
		0 x match 4	
Sorteo # 4441	Sorteo # 6195	0 x Afl. 500,00	
2966	9344	0 x Afl. 50,00	
Scorpio	Leo	0 x Afl. 15,00	
			Afl. 390.000,-
Sorteo # 1315	Sorteo # 1125		
985	744	Sorteo #	
X3	X2		



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle: Centro Medico:
Tel. 587 9011 Tel. 584 5794
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour & Taxi C.A.
Tel: 582 2116/582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**

Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel.297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

**E prome auto traha durante era Sovietico
na Polonia lo ser exhibi despues di 73 aña**

(AP) - E prome auto produci den e era Sovietico na Polona despues di e di dos Guerra Mundial a forma parti di exhibicion diabierna cerca di Warsaw, despues cu a yega na esaki den Finland durante decada di buskeda y a logra adkiri e vehiculo despues di añanan di negociacionnan.

E vehiculo 1951 Warszawa M-20 tin e number di serie 000001, cual ta esun cu e tin ora cu el a sali for di e FSO Passenger Car Factory na Warsaw dia 6 di november di e aña aki, exactamente 73 aña atras. e ta un reliquia di e periodo di Polonia su subordinacion na e Union Sovietico.

“Nos ta extremadamente orguyoso pa motibo cu awo



nos ta entre e tiki personanan na mundo cu a logra haya e prome vehiculo di e serienan crea den nan pais,” Zbigniew Mikiciuk, co-fundador di e museo priva na Otrebusy a comenta.

E vehiculo a ser duna prome na oficial di e ehercito Sovietico Konstantin Rokossovsky, ken tabata Polonia su minister di defensa despues di e guerra pa hancra e pais su dependencia na Moscu. Eventualmente a keda descubri cu esaki tabata den posesion di e famia di un chauffeur Finlandes Rauno Aaltonnen, aunke e vehiculo su historia memey di esaki no ta cla segun Mikiciuk.

El a tuma mas di 2 aña di negociacionnan pa obtene e ve-

hiculo for di e doñonan Finlandes, segun el a conta.

A pinta riba e vehiculo su color original cu un pintura bruin cu tabata hopi popular den e añanan 1970 y e tin marcanan di uso intenso cu e museo a preserva pa manten'e autentico, sinembargo ainda e ta “wantando” y e ta “master” apesar di su edad.



Pronostico di tempo

Tempo:

Awe tardi y awe nochi: parcialmente nubia y generalmente seco
Den marduga y mañan: hopi nubia cu algun awasero

Temperatura maximo 32 grado Celsius
Temperatura minimo 26 grado Celsius
Indice di calor (heat index) den y rond di oranan di merdia: 33 pa 38 grado Celsius
Uv index: 9

Bahada di solo: 6:12pm
Subida di solo: 6:35am

Biento:


Zwak te modera for di direccinanan entre oost y zuidoost; forsa 2 te 4 (7 te 30km/ora, 4 te 16 nudo).
Den dia posiblemente basta fuerte den rafaga; forsa 5 (31 te 50km/ora, 17 te 21 nudo).

Situacion general di tempo: Atmosfera regional a bira un poco mas seco. Sinembargo,

ainda tin humedad suficiente cu por causa algun yobida durante e periodo di pronostico aki cu un chens chikito pa lamper cu strena. Den caso di yobida cu lamper y strena, esaki lo ta modera te fuerte y causa algun molester.

Condicionnan maritimo/estado di lama:

Na partinan protege di costa: keto, rond di 1 pia.
Na partinan zuid: tranquil, 1 pa 2 pia.
Na partinan oost te noordwest di costa: generalmente modera cu olanan alrededor di 3 pa 4 pia.



Chener Car Rental
Ta busca
“2 Autowasser”
Adress Sero Compa 9-A
Santa Cruz.
Por yama na Tel.560 3128
218479

Ta busca
“Un Cleaner”
Pa Fundacion Sin Muros
Habituemos. Por yama na
Tel.594 7351
218477

Opus Ocean & Grill
ta busca
“Cook Helper”
Por yama na
Tel.588 4789
218474

W & L Construction N.V.
ta busca
“Metselaar”
Por yama na
Tel.734 7750
218471

Iceberg Airconditioning Service
ta busca
“Tecnico den Refrigeracion”
especialisa den walkingfreezer,
walkingcooler Icemashine y
automatisacion di sistema di
refrigeracion
Por yama na
Tel.565 4710 / 561 5284
218468

Harmony Training Academy
ta busca
“Manager”
firma libre of passport.
Experiencia, educacion, Ingles,
español obligatorio
Tel. 569 6708
harmonyacademyaw@gmail.com
218466

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi”
Salmo 33

Cu hopi tristesa pero conforme cu boluntad di Dios nos ta
anuncia fayecimento inespera di:



**Alfonso
Krosendijk**
**Mihor conoci
como “Fon/
MoFon”**
*01-06-1950
† 03-11-2024

Señora: †Mirlanda Tromp
Manera yuinan: Julien Tromp y yuinan Jonathan y Joel
Aireen Tromp y yuinan Keyla y †Kevin

Nieta stima mane yiu: Kimberly y yuinan

Yuinan:
André Krosendijk y Nancy Krosendijk-Laclé
Sigourney (Djudju) Eckmeyer
Jordan Roga y Diantha Janga
Georgino Roga
Noralfá Eckmeyer y Jeandira Arends

Nieto y nietanan: Silvia y Sean Krosendijk
Xialey Eckmeyer
Gjordjan Roga y Alysha Roga
Lizienne Maduro, Lirienne Roga y Lixienne Roga

Rumannan:
†Jovito(Ovito)Krosendijk y †Sra.Genovita(Novita)Krosendijk-Roga
†Narciso (Icho) Krosendijk y †Sra. Elsa Krosendijk-Dubero
†Cerilio (Richi) Krosendijk y †Sra. Agnes Krosendijk Semeleer
†Susana Filomena (Mena) Koolman-Krosendijk y †Luis Koolman
†Francisco (Boei) Krosendijk y Sra. Vda. Lucila Peña
†Isaías (Chai) Koolman y Sra. Vda. Bertha Koolman-Wester
†Ilario (Ali) Krosendijk
Salome (Mechi) Krosendijk y Ruben Wever
Jacobo (Coby) Krosendijk y Sra. Avilova(Voca) Eckmeyer
Subrino y Subrinanan: Lambertus (Coisy) Krosendijk,
Franklyn Krosendijk, Ludwig (Roy) Krosendijk, †Luciano (Lucho)
Krosendijk, Esmeralda Krosendijk y Jovito Jr. (Juni) Krosendijk,
Giovanni (Ivan) Arends, Judith Heronimo-Gomez, Bernardo
Winklaar, Adeline Vrolijk-Krosendijk, †Bernadine (Brenda)
Krosendijk, Caroline Hernandez-Krosendijk, Desiree Krosendijk,
Louis Jean Pierre Koolman, Angélique (Yaqui) Koolman, Richard
Krosendijk, Jorge (Wincho) Geerman, Angélique Koolman, Jean
Marie Birbal-Koolman, Hector Koolman, Eveline Kelly, Dorothy
Kelly, Julienne Zimmerman-Kelly, Jorge (Ojo) Kelly, Edward
Krosendijk, Yasmine Krosendijk, Ghyslaine Krosendijk, Avi-Jace
Krosendijk, Dydrick Krosendijk y familia.

Sua y cuñanan:
†Alfredo Tromp
†Joaquin Tromp y vda Carmen Tromp y familia
†Carlos Tromp y vda Medarda Tromp y familia
Vda. Itala Danjo-Tromp y familia
Melvin Tromp y esposa Judith Tromp y familia
Carole Tromp y familia
Carlos S. Tromp y esposa Luz Marina y familia
Milton Tromp y familia
Ted Tromp y familia
†Norman Tromp, yuinan y familia
Vince Tromp y familia
Jennifer Dijkhoff – Tromp y esposo Richard y familia

Ihanan: Caroline Tromp
Ito Heronimo

Nos ta invita tur: Primo y Primanan, Amigo y amiganan, Bisiñanan
y demas familia:
Krosendijk, Kock, Tromp, Victoria, Eckmeyer, Roga, Laclé,
Janga, Arends, Dubero, Semeleer, Koolman, Peña, Wester, Wever,
Heronimo, Gomez, Vrolijk, Hernandez, Geerman, Birbal, Kelly,
Maduro, Leon, Figaroa, Yeung, Sprok, Sanchez, Zimmerman,
Lampe, Croes, Bikker, Montsanto, Rollock, Kwidama, Danjo, Ras,
Vos, Barrera, Dijkhoff y Everon.

Nos ta pidi disculpa si den nos dolor y tristesa nos por a lubida un
of otro familia

Oportunidad pa condolencia:
Diahuebs 7 November 2024 na Aurora Funeral Home di 7:00pm
pa 9:00pm

Ta invita pa e acto di despedida cu lo tuma lugar diabierna 8 November
2024 di 9:00am pa 11:00am na Pro-Cathedral San Fransisco di Asis,
sigui pa e acto di cremacion cu lo tuma lugar den seno familiar.
Despues di entiero no ta ricibi bishita di condolencia na cas.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada;
den cunucu di yerba berde e ta ponemi sosega.
E ta hibami na awa tranquil, pa mi bolbe haña forsa”
Salmo 23

Cu imenso dolor pero agradecido pa loke el a significa pa
nos,
ta anuncia fayecimento di nos tata, welo, bisawelo, ruman y
omo stima:



Sr. Armando Rafael Gonzalez
miho conoci como “Mando”
*6 October 1942 □ 31 October
2024

Su yuinan: Ruthmila Gonzalez y Rooney
Boyé
Bianca Gonzalez

Mama di su yuinan: Beaulah Hoefnagel

Rumannan: Ofelia Gonzalez-Priest y
yuinan
Auristella Gonzalez y yuinan
Alberto y Sylvia Gonzalez-Tromp y yuinan
Yolanda Gonzalez-Pieterella y yuinan
Imelda Gonzalez-Thokaai y
yuinan
Aurelio Gonzalez y yuinan

Nietonan: Allen Boyé
Ryggell Boyé
Joshua Rasmijn

Bisanietonan: Shadienne Rasmijn
Julien Rasmijn
Sirah Rasmijn
Rydion Boyé
Jacob Rasmijn
Jailizienne Rasmijn
Illumi Boyé
Cathalëa Boyé

Su Iha Bernardo Croes

Subrino y subrinanan, primo y primanan, swa y cuñanan,
amistadesnan y conocirnan.

Demas familia: Gonzalez, Hoefnagel, Boyé, Jackson, Priest,
Pieterella, Thokaai, Gomez, Tromp Rasmijn, Lesire,
Gordon, Nedd, Julien, Wilson, Croes, Leonard, Duzong,
Monsanto, Raymond, Richardson, Koc, Abreu, Hassell,
Cathlin, Castillo, Paesch, Maduro, Solognier, Ridderstap,
Anthony, Molina, Cornelio, Ecury y demas familia nan na
Hulanda y St.Maarten.
Nos ta pidi nos mas sincero disculpa si den nos tristesa nos
por a lubida algun familia.

Acto di condolencia lo tuma lugar diabierna 8 November
2024 na Pray Funeral Home na San Nicolas di 7or te 9or
di anochi.

Acto di entiero lo ta tuma lugar Diasabra 9 November 2024
na Pray Funeral Home na San Nicolas di 2or te cu 4.00or di
atardi, despues nos lo hiba nos defuntu stima na su ultimo
lugar di sosiego na Santana Catolico na San Nicolas.

Lamentablemente despues di entiero nos no por ricibi
bishita di condolencia na cas

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada.
Den cunucu di yerba berde E ta ponemi sosega.
E ta hibami na awa tranquil,
pa mi bolbe haña forsa”.
Salmo: 23

Nos ta anuncia fayecimento di:



Filomena Figaroa Boekhoudt
Mihor conoci como “Mena”
*29-04-1955 - †03-11-2024

Mayornnan:
†Anita y †Luis Boekhoudt
Na number di su:

Casa:
Luis Figaroa
Yuinan:
Mari-Lou Figaroa y Richenel de Jongh
Emy-Lou Figaroa
Nietanan:
Mary-Louise de Jongh
Richinelda de Jongh
Richelly de Jongh
Heleny Figaroa
Emberly Figaroa
Con suegra: Liria Roza

Rumannan:
Mario y Anita Boekhoudt-Arends y yuinan
Camimi y Buchi Werleman-Boekhoudt y yuinan
Chimina y †Oscar Croes-Boekhoudt y yuinan
Maga y Luis Figaroa-Boekhoudt y yuinan
Betty y Gino Vreugd y yiu
Chelita y Manuel Kelly-Boekhoudt y yuinan
Fina y Hensley Pourier-Boekhoudt y yuinan
Sua y cuñanan:
Rita Geerman
Jose Figaroa (Hulanda)
Nata y †Eddy Tromp-Figaroa y yuinan
Lourdes Figaroa y familia
† Magdalena Figaroa y yiu
Sobrino- y sobrinanan, primo- y primanan
Ihanan: Julissa Croes-Werleman
Esmeralda Kelly
Demas familia: Boekhoudt, Figaroa, de Jongh,
Werleman, Croes, Kelly, Vreugd, Pourier, Arends,
Tromp, Roza, Albertus

Ta invita pa acto di condolencia y despedida cual lo
tuma lugar na Aurora Funeral Home dialuna 11 di
November 2024 di 7’or pa 9’or di anochi.
Cremacion lo tuma lugar despues den seno familiar.

Enbes di flor of krans lo tin un box disponibel pa
donacion na Koningin Wilhemina Kankerfonds.

Despues di despedida nos no por ricibi bishita di
condolencia na cas.

Disculpa nos si den nos tristesa nos por a lubida
algun familia.

Preferibel bini bisti na colornan alegre.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y floran por seca, su recuerdonan y tur loke el a haci y significa pa nos, lo keda graba pa semper den nos mente y curason.

“Cerca Dios mi alma ta na paz, ta di DJ'E mi salvacion ta bin”
Salmo 62:1

Cu inmenso dolor na nos curason, nos ta participa fayecimento di nos ser stima:



Roberto Rodolfo Leonora
Mihor conoci como “Papi” / “Beton” / “Toro Brabo” / “Joe Kerry”
* 17 April 1940 - † 31 Oct 2024

Su Mamayornan:
† Cecilia Leonora Nahr
† Benjamin Leonora

Na nomber di su:
Esposa: Lucille (Zus) Leonora Lampe
Yiunan:
Suzette y Fisel Pereira Leonora y famia
Marlon Leonora y Dairina Martis y famia
Ayrellis y Reimond Gierigoria Leonora y famia
Nataly y Oscar Molina Leonora y famia
Solange Leonora y Victor Sille y famia
Robertino y Angely Wever Leonora y famia
Rocilliene Leonora y yuinan

Yiunan di Criansa:
Aruline La Croes y yuinan
Clifton y Monica Winterdaal y famia
George Winterdaal (Tio George)

Rumannan:
† Palmita Richardson Nahr
† Anatalia (Aida) Stuart - Nahr
† Johanita (Juliana) Anthonij Nahr
Christiaan (Jan) Nahr
† Eloterio (Rubein) Leonora
† Ligia Ragia (Rugia) Lai - Leonora
Ambrosio (Romero) Leonora
† Leonard (Ronald) Leonora
† Irene Leonora
Virgilio (Lyo) Leonora
Leon (Dimitri) Leonora
Dionisio (Richel) Leonora

Tantanen:
Modesta Leonora
Celia Enghart
Eligia Leonora

Na tur su nieto y nietanan, bisanieto(a)nan , tata na nieto(a)nan, primo(a)nan, sobrino(a)nan, Swa y Cuñanan, Comer y Compernan, su ex coleganan di Curacao Dry Dok Maatschapij (CDM) y tambe na Aruba First National Bank y RBTT

Bon amigonan di cas: Eddy Schoop, Nelkis y Alvin Arends y famia, Cathy Helder y famia, Hector Moreno

Bon Bisiñanan: Tromp, Matos, Pietersz, Odor, Lugo
Famianan na Corsow: Leonora, Nahr, Anthonij, Stuart, Richardson, Lai, Sambo, Curiel, Everts, Martes, Penij, Stacie, Martina, Pieter, Lampe
Famianan na Aruba: Lampe, Leonora, Quandt, Cornes, Hieroms, Haddocks, Winterdaal, Arciniegas

Gradicimento ta bai na Fundacion Paraiso pa nan cuida na “Papi” manera nan tambe a yame.
Si den nos tristesa nos por a lubida un familiar nos disculpa.

Lo tin un anochi di condolencia diabierna 8 November di 7 pa 9 pm na Aurora Funeral Home.
Respos lo tuma lugar diasabra 9 di November di 9 pa 11 am na Aurora Funeral Home sigui pa cremacion den cenofamiliar.

Nos disculpa cu despues di cremacion NO ta ricibi bishita di condolencia na cas.
Famia ta pidi pa bin bisti den colornan alegre pa celebra bida di Roberto.
En bez di flor of krans lo tin un box disponibel na Aurora Funeral Home

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

The Lord is my shepherd, I lack nothing.
He makes me lie down in green pastures,
he leads me beside quiet waters,
he refreshes my soul.
Psalm 23:1-3

We announce the passing of



Rudy Magayam
*16-06-1957 -
†25-10-2024

Left to mourn his:
Children:
Andrea Arlin Marapao
Irish Joy Bendana

Magayan siblings:
Danilo Magayam
Burgos Magayam
Noli Maaba
Lio Magayam
Vilma Martinez
Maria Ligaya Magayam

Mothers of his children:
Andresa Lagria
Norma Bendana

A big heartfelt thank you to the Philippine Consulate and the Filipino community, specially those that have contributed. You know who you are. Viewing will be held on Thursday November 7, 2024 at Royal Funeral Home from 7:00 to 9:00 pm.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Nos ta anuncia cu a fayece na China

MingZhu Su
Mihor conoci como: “Su”
25-04-1979 - 06-09-2024



Papa: LiHua Su
Mama: GuiXiang Zhu

Casa: Chaohong He

Yiu muhe: NuoQing He
Yiu muhe: NuoYi He

Ruman: TsoMing Hsu y casa Suki Situ na USA
Subrinonan: Johnny Hsu, Ada Hsu

Ruman: JianMing Su y casa Xiumiao XieSu na Aruba
Subrino: JieXin Su y Subrina: YangJin Su

Suegra: Jincai Yu

Cuñá: liting He y famia na China
Cuñá: lichan He y famia na Aruba
Cuñá: liqiao He y famia na Sto. Domingo

Acto di despedida lo tuma lugar diabierna 8 di November di 11:30 am pa 1:30 pm na Aurora Funeral Home.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor, Dios mio, mi alma tiene sed de ti.
Señor Tú eres mi Dios, a ti te busco:
de ti sedienta está mi alma.”
Salmo 62

Cu dolor inmenso na nos curason y gradicido pa locual el a nifica pa nos, nos ta participa fayecimento di:



Sr. Victoriano E. Franken
Mihor conoci como “Bito”
*11-05-1945 - †01-11-2024

Na nomber di su:

Esposa:
Ilva Franken-Kelly
Yiunan:
Caroline J. de Cuba y Hubert de Cuba
Marisol V. Franken
Glenn E. Franken
Nietonan:
Ghislane de Cuba
Ilviene Franken y Nayeli Arends

Rumannan:
Thomas y Lola Franken

Martin Farro

†Francisco Farro

†Severino Farro

Agrepina Farro

Rubino Farro

Marco Farro

Glenda Farro

†Franklin Farro

Cuñanan:

Myrna Falcon-Kelly

Yolanda Ruiz-Kelly

Manera yiu:

Ana Maria Vanegas

Patricia Pernalette

Enrique

Reagan (Hulanda)

Ihanan:

Jean Claude Farro

Jean Mark Farro

Trio Los 3 y amigonan

Demas famia: Franken, Farro, Kelly, Arends, de Cuba, Tromp, Pontillius, Feliciano, Leest, Kock, Ruiz, Figaroa, Orman, Britten, Giel, Semeleer y demas famia.

Ta invita pa acto di condolencia y despedida cual lo tuma lugar na Aurora Funeral Home diasabra 9 di November 2024 di 2’or pa 4’or di atardi.
Cremacion lo tuma lugar despues den seno familiar.

Nos disculpa si den nos tristesa nos por a lubida algun famia of conocir.

Despues di despedida nos no ta ricibi bishita di c

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pami bolbe haya forsa”.
Salmo: 23

Cu inmenso tristesa y dolor den nos curason, pero conforme cu
boluntad di Dios, nos ta participa fayecimento di nos ser stima:

**Sra. Vilma
Yolanda
Tromp-
Maduro**
*28-01-1950 -
†31-10-2024



Na number di su:
Esposo stima:
Humphrey Tromp

Yiunan stima:
Janine Tromp
Charlene Tromp
†Joanne Tromp

Nieto(a)nan stima:
Kiana Every y Zayon Yanez
Tristan Briezen
Kyan Briezen

Bisanieta stima:
Zaen Yanez

Mayornan:
†Cornelio (Kees) y †Alle Maduro-Loopstok
Mescos rumannan:
Madeleine (Ada) Maduro-Loopstok y familia
Sonia Barkmeyer-Loopstok y familia
Ingrid (Giet) Loopstok y familia
Noriza (Poppy) Hoo-Helder y familia
Julissa (Liesje) Helder y familia

Mescos Yiu:
Ryner Maduro

Subrino(a) nan:
Zulaika, Nathaly Lacle, Genevieve, Kimberly, Kenrick, Chris,
†Jeanne-Marie, Nicole, Li-Ann, Burt, Marcel, Rona, Andy,
Giovanni, Natalie Tromp, Hillary, Tony, †Junior, Monique, Ross,
Luigi, Marino, Miranda, Silvio, Geronimo, †Hose, Francis, Sergio
y nan familia.

Iha nan:
Milene Maduro, Darryl Hoo y Tamara de Cuba

Swa y Cuña nan:
†Marcelo y †Wanda Tromp-Busropan y familia
Ellis y Frida Tromp-Hernandez y familia
†Basilio y Ina Tromp-Farro y familia
†Edna Tromp y familia
†Ronnie y Aida Tromp-Kelly y familia
Silo y Elly Tromp y familia na Hulanda
Wilda Tromp y esposo y familia

Ex yerno:
Garret Briezen y familia

Prima y primonan custuma:
Magda, Miriam, Win, Gregg, Gigi, Gladys, Ivonne, Ilva, Careen
Lacle, Sandra, Rampfy y demas prima y primonan na Aruba y den
exterior. Comer y compenar, bisiñanan,
ex-coleganan di Playa Liguor.

Bon amiga nan di cas:
Gladys De Cuba, Albertina Rodriguez, Alba Lucia Garcia, Melly
Pawan, Marianne Tromp, Swinda Kock, Daniela Valencia, Eugemine
Ignacio, Sharlise Hassell, Desiree Coronel, Ketty Torres, Judith
Erasmus, Nalda Elisabeth y familia na Curaçao y demas amiganan
mucho hopi pa menciona.

Un danki special na Lola Geerman di Wilhelmina Kankerfonds,
Huisarts Dr. Fernandes,
Dr. Nestor Sanchez, Kimmy Hoo pa nan cuida y atencion.

Demas familia Maduro, Tromp, Loopstok, Every, Briezen, Helder,
Lacle, Barkmeyer, Kelly, Jones, Olive, Croes, Picus, Bakmeyer, Farro,
Hoo, Hernandez, Palm.

Nos ta pidi nos disculpa si den nos momento di tristeza nos por a
lubida di menciona
algun ser keru.

Ta invita acto di entierro lo tuma lugar diabierna 8 di november
2024 di 2or pa 4or di atardi na Misa Birgen di Fatima na Dakota.
Despues lo sali pa santana Catolico na Playa.

Enbes di flor y krans, lo aprecia pa haci un donacion na Wilhelmina
Kankerfonds.
Lo bay tin un box disponibel pa e bunita gesto aki.

Nos ta lamenta cu nos no por ricibi bishita di condolencia na cas.

**Alemania: Scholz ta duna retiro na minister di
Finanzas mientras su coalicion ta collapse**



(AP) — **Canciyer Aleman di centro-iskierda, Olaf Scholz a anuncia ayera cu e ta despidiendo minister di Finanzas, Christian Lindner, señalando e collapse di e coalicion gobernante di tres partido cu tabata depende riba partido pro-comercio di Lindner.**

Scholz a anuncia e movida na un conferencia di prensa despues di simannan di disputa entre e partnernan di coalicion riba maneranan pa reforsa economia debil di e pais. El a bisa cu e lo busca un voto di confianza na januari cu el a bisa por conduci na eleccion trempan, cu de lo contrario lo ta programa pa proximo september.

Lindner, di partido pro-

comercio Democratan-Liber, a rechasa aumento di impuesto of cambio na e limitenan estricto auto-imponi pa Alemania riba debe. E Social Democratanan di Scholz y e Berdenan ambientalista, kende tambe ta parti di e coalicion, tabata kier mira inversionnan estatal masivo y a rechasa e propuestanan di e Democratanan Liber pa corta den programanan social.

Lindner a responde na su retiro acusando Scholz di faya di “reconoce e necesidad pa un spiertamento economico nobo na nos pais. El a bagatela e preocupacion economico di e ciudadanonan.” El a bisa cu e propuestanan di e canciyer pa re-energisa economia tabata “laf, sin ambicion

y no ta haci niun contribucion pa sobrepasa e debilidad fundamental den crecemento di nos pais.”

Scholz a bisa tocante Lindner cu “el a kibra mi confianza mucho frecuentemente. El a hasta unilateralmente cancela e acuerdo riba e presupuesto. Despues cu ya nos a yega na acuerdo riba dje den negociacionnan largo. No tin base di confianza pa mas cooperacion. Trabao serio di gobierno no ta posible asina.”

El a acusa Lindner di publicamente haci un yamado pa politica economico fundamentalmente diferente, incluyendo loke Scholz

a bisa lo ta reduccion di impuesto na balor di biones pa e tiki cu ta gana mas, mientras na mes momento ta corta pensioen pa tur pensionado. “Esey no ta decente,” Scholz a bisa.

Scholz a bisa cu e lo busca e voto di confianza den Bundestag, parlamento Aleman, dia 15 di januari, cu lo “permite miembronan di Bundestag dicidi si ta habri caminda pa eleccion trempan.” E eleccion e ora lo por “tuma lugar pa fin di maart a mas tardar, cumpliendo cu e deadline poni den constitucion,” el a bisa.

Eleccion regular ta programa pa september 2025.

**Barco Italiano ta hiba mi-
grantenan Albania den di
dos test di acuerdo pa pro-
cesa aplicacion pafo di UE**



(AP) — Un barco di marina Italiano transportando migrante tabata caminda pa Albania ayera, pa laga procesa aplicacionnan di asilo bao di un acuerdo di cinco aña pa procesa aplicacionnan di asilo pafo di fronteranan di Union Europeo, cu ya tabatin un obstaculo legal.

Un vocero di ministerio Italiano di Interior a confirma cu e barco Libra tabata bayendo e nacion Balcano, pero a nenga di bisa con hopi migrante tabata abordo y na ki momento e lo yega.

Corant Italiano, La Repubblica a reporta cu di 1,200 yegada di migrante na e isla mas sur Italiano, Lampedusa durante ultimo dos dia,

apenas ocho homber adulto biahando sin familia a cumpli cu e criteria pa haya su screening realisa na Albania, incluyendo cu nan ta bin di paisnan considera “safe” pa repatriacion.

E barco, cu por transporta 200 persona ademas di e tripulacion, ta spera den waf Albaniano di Shengjin diabierna trempan.

Ta apenas e di dos transferencia desde cu dos centro a cuminsa opera luna pasa. E prome grupo di migrante mesenter a bolbe Italia despues cu un corte na Roma a duna veredicto cu nan pais di origen — Bangladesh y Egipto — no tabata suficiente safe pa manda nan back.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

In Loving Memory



Theo Leurs
*25 Oktober 1961 - †20 Oktober 2024

Theo was een levensgenieter.
Met een biertje, een sjekkie en een glimlach kon je goede gesprekken met hem voeren.
Hij was altijd bereid iedereen te helpen.
Theo we zullen je nooit vergeten.

Degene die van Theo afscheid willen nemen zijn welkom op donderdag 7 November 2024 om 14:00 bij Aurora Funeral Home.

Trump ta gana eleccion presidencial Mericano den un regreso politico diseña pa apela na votadornan frustra

**(AP)—Donald Trump a ser eligi como e di 47 presidente di Merca ayera, un regreso extraordinario pa un ex-presidente cu a nega pa acepta derota cu-
atro aña pasa, causando un insurreccion violencia den e U.S. Capitol, a ser condena di cargonan di delito y a sobrevivir dos intento riba su bida.**

Cu un victoria na Wisconsin, Trump a clara e 270 voto electoral necesario pa gana e presidencia. E victoria aki ta valida e acercamento pisa riba politica. El a ataca Harris den terminonan profundamente personal—frecuentemente racista y misogino—mientras el a pusha un pintura apocaliptico di un pais plaga di migrantenan violento. E retorico bruto, compañía cu

un imagen di hipermasculinidad, a resona cu votadornan frustra—particularmente hende homber—den un nacion profundamente polarisa.

Den estado tras estado, Trump a logra gara mas voto compara cu e eleccion di 2020 mientras Harris no a logra yega na prestacion di Joe Biden den su careda electoral cuatro aña pasa. Ora e tuma e oficina atrobe, Trump lo traha cu un senado cu awo ta den man Republicano, mientras control di e House no a ser determina.

E resultado aki ta cera un temporada electoral tumulto y competitivo cu a inclui dos intento di asesinato riba Trump y un cambio pa un nominado Democratico solamente un luna prome cu e

convencionnan di partido. Trump lo hereda un variedad di retonan ora e asumi e oficina dia 20 di januari, incluyendo un aumento den polarizacion politico y crisis global cu ta actualmente ta test e influencia Mericano den exterior.

Trump ta e prome ex-presidente pa regresa na poder desde cu Grover Cleveland a gana e White House atrobe durante eleccion di 1892. E ta e prome persona condena di un delito pa ser eligi presidente y, cu 78 aña, e persona mas bieu pa ser eligi den oficina. Su vice-presidente, Senador JD Vance di 40 aña, lo bira e miembro di rango mas halto di e generacion milenario den gobierno Mericano.

Lo tin menos control riba



Trumo ora e regresa e White House. E tabata hopi vocal di su plannan pa implementa un agenda cu lo transforma casi tur aspecto di gobierno Mericano. Su criticonan Republicano den congreso a ser mayormente derota of despedi. Cortenan federal awor ta yena cu huesnan cu e mes a apunta. E Corte Supremo Mericano, cual ta inclui tres husticia apunta pa Trump, a suministra un huicio e aña aki dunando presidentenan inmunidad di persecucion.

E lenguahe y comportamiento di Trump durante e campaña a causa advertencianan for di Democrata- y algun Republicanonan tocante shocknan na e democracia cu su regreso na poder lo trece. Repetidamente el a gana lidernan fuerte, a adverti cu e lo desplega e ehercito pa aborda oponen-tenan politico cu el a yama e “enemigo di paden,” a menasa pa tuma accion contra organisacionnan di prensa pa cubrimientonan no favorable y a sugeri pa suspende e Constitucion Mericano.

Mientras Harris a enfoca su mensahenan inicial rond di e temanan di felicidad, Trump a expresa un sentido di rabia y resentimento entre votadornan. El a probecha riba e frustracionnan tocante prishnan halto y miedo tocante crimen- y migrantenan cu a drenta e pais ilegalmente bao Biden su administracion. Tambe el a subraya e gueranan den Medio Oriente y e invasion Ruso di Ucrania pa asina pinta e Democratanan como un partido encarga di—y curasha—un mundo den caos.

Esaki tabata un formula cu Trump a perfecta na 2016, mientras el a pinta su mes como e unico persona cu por drecha e problemanan di pais, frecuentemente fiando

lenguahe for di dictadornan: “Na 2016 mi a declara cu mi ta bo voz. Awe mi ta agrega: Mi ta bo guerero. Mi ta bo husticia. Y pa esnan cu a ser traiciona, mi ta bo represalia,” el a bisa na maart 2023.

Frecuentemente su campaña a gana den direccion di loke hopi critico ta bisa ta absurdo, cu Trump amplificando rumornan straño y prueba como incorrecto cu migrantenan tabata hortando y comiendo pushi y cacho na Ohio. Na dado momento, el a cuminsa un rally cu un storia detaya tocante un golfista legendario Arnold Palmer den cual el a gaba su partinan priva. Un momento clave a bin den juli ora un persona arma a los tiro den direccion di Trump durante un rally na Butler, Pennsylvania. E bala a touch e horea di Trump y a mata un apoyante. Cu sanger riba su cara, Trump a para y a hisa su man den aire, gritando “Bringa! Bringa! Bringa!”

Mientras e ta prepara pa regresa na e White House, Trump a priminti pa implementa un agenda radical cu lo transforma casi tur aspecto di gobierno Mericano. Esey ta inclui plannan pa lansa e esfuerzo di deportacion mas grandi den historia di e nacion, usa e departamento di husticia pa castiga su enemigonan, expande dramaticamente e uso di tarifa y atrobe persigui un acercamento na politica den exterior cu ta menasa pa caba cu aliensanan den exterior, incluyendo e pacto di NATO.

E biaha aki, Trump a bisa cu e lo rondona su mes cu lealistanan y lo implementa su agenda, sin pregunta, y ken lo yega cu centenares di ordennan ehecutivo, propuestanan legislativo y documentonan politico den man.

Aruba Bank ta gradieci y organisa un Dia di Famia Un compromiso pa promove un balansa saludabel entre trabou y bida personal pa su empleadonan



Aruba Bank a organisa un evento specialmente dedica pa su empleadonan y nan famia: “Aruba Bank Family Day”.

E evento a tuma luga na Aruba Waterpark y a consisti di un variedad di actividadnan pa tur edad.

Cu esaki, Aruba Bank ta demonstra su compromiso pa promove un balansa saludabel entre trabou y bida personal pa su empleadonan.

E dia special aki a consisti di hopi opcion di entretenemento como deporte y weganan

popular, tayer creativo y un espacio pa recreo pa e mas chikitanan.

E banco, a expresa nan aprecio grandi pa tur esnan cu a asisti. Nan ta kere firmemente cu e balornan di famia ta forma un fundeshi importante pa e ambiente di trabou.

